



石城縣志  
光緒十四年重修

ル 5  
1313  
4



門 185  
補 1313  
卷 4

石城縣志卷之四

江家桂分纂

經政志

學校

縣學舊在江頭鋪南府志元皇慶間隨縣遷於高峯鋪東黃

村天厯間仍隨縣遷於新和驛左即今縣治左明洪武

間建在縣之西台九年知縣崔惟中作櫺星門立射圃

府志作元季兵燹明洪武間成化間遷西關外迴龍嶺

嘉靖二十年經歷邱君正改遷縣治西及軍所之間直隸

進士戴嘉謨遷學紀石城高涼隸色壤接雷陽去中州

為特遠學雖代建化未深洽士鮮有成我明御極敷教

造士漸濡南海是故國初人才彬彬輩出幾與中州等

天順成化間遙人弗靖蠻毀兵燹重建之未幾徙西關

隘陋不稱尋亦就類人才日以剝落志士憂之莫有任

其事者嘉靖壬寅春經歷邱君正司神電來署邑事巡

按澤山姚公適按臨分守參政獅峯周公知府麗山李

公通判宋君邦俊朱君藩推官陳君應辰咸以職事至



石城縣志 經政志 學校

暨學生謝希朱等因以改建請乃下分守議既而申呈  
提督少司馬半州蔡公分巡僉事少峯周公先後報可  
事成於同而敗於異自古則然石土其有遺哉先是獅  
遂慨然以爲己責爰於九月之吉鳩工首事卽其地  
治之凡四越月殿廡堂齋煥然一新門牆庖福以次落  
成過者於是乎改觀矣予以言獲罪轉徙高涼誤蒙當  
道委署雷事君正乃輕數百里借教諭尤舜俞訓導蘇  
哲庠生崔汝能毛鸞輩羣謁堂下以記屬嘉其用意勤  
也遂弗果辭適有挈雷陽志示余者偶一披之獲覩南  
軒所爲學記不覺欣然以喜則記斯學又安用他求哉  
夫學以明人倫而孝弟人倫之大者孟子云謹庠序之教  
申之以孝弟之義此固南軒爲記所自出而要之孝弟  
根於恒性之仁仁則萬善之長合聖愚而一之者也士  
患無以是說啟之者苟朝夕講明之將由庸行之切近  
者體驗擴充恒性存存而道義出矣國天下則舉而措  
之耳雖窮達利鈍有非在我之所能必然其具在我達  
何人才國初之難復哉矧搖亦人類均有孝悌之心聞  
風未有不興起焉者又何弗靖之足慮哉昔僖公之修  
泮宮詩人頌之有曰既作頌宮淮夷攸服美其足  
以服強梗非徒懷良善而已試以是役卜之也 萬曆

十一年仍復西台舊址四十四年知縣俱夢騮重修天

啟七年丁卯移於台右立向子午 府志云改建於崇聖  
祠移崇聖祠於明倫

後堂

國朝

康熙十二年癸丑知縣李瑄捐銀四百兩在洪武時舊處

鼎建改壬山丙向兼亥己 學道遲煊碑記 上御極十

命敷敷教者直省各一人予以地官郎 命晉粵東學  
使既視事不宣 天子右文至意粵士無不蠅奮鵠起  
沐浴歌詠以幾雅化而吏其土者則以學校廢興報稱  
殿最有司蓋懍懍焉石城高六屬之一瀕於海去省會  
以稍遠聲教猶慮弗及明年春往校高州石城博士弟  
子員例進謁從容彬彬雅動止不愆於儀竊心喜迄讀其  
文則典以約無愧先型士如是是亦足矣非有父生師  
教歲月漸摩之能不易致也邑子衿暨邑父老以學宮  
新成聞具道其學之所以成爲邑子衿暨邑父老以學宮  
民之力而得其理使一邑各欣然有崇儒敬道之心則  
稱小阮相國佐 兩朝以襄文治誠當代文人領袖其  
爲漸摩天下者實深且久令能以其家學身體力行以  
漸摩乎一邑治無論大小其有裨於斯文者未嘗不合

也而令猶遜謝不遑豈非所稱德讓君子耶夫古者建國居民教學為先易曰觀乎人文以化成天下知化之所由成則知化之所由始蓋學校者王政之本學校不興則人倫不著人倫不著則民俗士行必且流為寡廉鮮恥規矩改錯不離經叛道不止此豈邑之幸歟今一旦革故鼎新梓材丹雘視昔有加則人知敬學比戶絃歌庶幾聲名文物霧湧雲蒸而况砥行勵節崇禮樂敦教化朝廷尤嘉賴之李令賢乎哉壽諸石以為後世良有司法邑令李琰記粵東之有石邑亦泰山之於邱垤也俗近樸迺觀其學校則駭駭乎見文明之化台星綴垣雲漢章天噫孔子之道在焉於小中見大矣余奉命來治茲土時懷祖若父遺訓簿書之餘延接諸士每勸以崇道敬師諸大意亦欲昭聖教正人心毋使江河日下而赤狐黑鳥徒存一獐然面目也或謂惟古帝堯時際午會故大道獨行於三代夫子有志猶未逮今憂憂乎以文易世不幾難歟不知治有盛衰而聖人之道則無時而不然風氣不能囿于戈不能亂天生夫子於春秋正以未流砥也即以粵論在昔尉陀推結今為鄒魯繼掖矣鴉食桑椹慰我好音猗歟休哉今聖御極有年宵旰憂勤思興文治惻惻然無非此意甯遺一石邑耶余於朔望謁廟徘徊四顧感懷棖之微朽欲起而更新之因集諸弟子而議改作咸答曰時孔艱仍舊修之易為力又有起而言曰地宜就下數步移於左則吉惟恐煩費而力不副余曰無慮事誠在我於

是庀材鳩工捐俸從事 聖宮仍照萬歷年基向明倫堂移諸右董其事則邑庠謝嶠黎民止督工則典史來民服驛丞張名達爰誦日乃癸丑初冬定之方中時也七閱月而工告竣自是而觀泰山巍巍煥乎文明一新云異日檜幹參天杏枝秀日多土有繼先達而奮興者乎余雖不敏願與諸子相與有成始終不忘爾預肅斯言爰貞 二十四年知縣白玠訓導蔡叔度合紳衿修築諸石

照牆於鬢門外二十五年署知縣周宗臣教諭梁繼鳴

訓導蔡叔度合紳士倡捐修築泮池在鬢門內乾隆二

十二年知縣顏煌重建改壬山丙向兼子午四十年知

縣喻寶忠訓導黃紹統合紳士捐修基址仍舊移置名

宦鄉賢兩祠於戟門左右 喻寶忠重修學宮序石邑學

令李公遷復今所枕台山而襟羅水屹然壯觀百餘年閒幾經修葺規模如昨甲午仲秋八日颶風震發殿廡牆宇半就傾頽前署令馬君與司訓黃君集諸紳士謀釀金以鼎新之議未成而馬君奉調去乙未九月余甫下車入廟釋菜惜斯役之不早就也首倡捐俸與黃君暨紳士復申前議即以十月三日鳩工基址如故而易

置名宦鄉賢兩祠視舊為得所焉工未竣適都閩府孟公蒞任留心文教復捐資勸事而事遂藏矣是役也董其事者黃君襄厥成者曹璽全朝珩黃五十七年新開鐘論黃詔與全保謹勒石以志不朽云

**學路** 校開學路記斯世之盛衰視風俗之盛衰視學人敦儒術流蔡之地變為冠裳至明初永樂戊子而六

鳳連飛盛亦云極矣 國朝以來科第數十餘年寥寥乏人又何衰也此雖士子不肯下帷咕嗶亦由學宮茂

草義路阻塞講案無地所致也本縣於五十七年四月朔爰進兩學師並紳衿謀之於學南開青雲路買貢生

蕭蒲地一區生員梁衍泗一區又李勝新房一座皆捐俸各給價值數千直通中衢從此禮門義路煥然可觀

先朝之涌盛是在諸生之聚業有地返往日之積衰復致之耳學前自當起大成坊一座以壯觀瞻當耕務未

息大雨時行今非嘉慶五年署縣杭喻義署教諭潘逢其時尚待之後日

**年訓導李瑩書倡捐重修明倫堂十六年署縣鄭域輪教諭招起元訓導饒鴻勳合紳士重修廟制不改**

張道志

**光四年知縣李憬重修殿廡及櫺星門泮池圍牆**

李憬碑記

從來神聖功程所成皆有數存其中亦以人心之鼓舞為之也邑之文廟在縣署之西學宮之前舊制規模

宏廠殿宇嚴凝至肅也甲申之嘉平月念七日 大殿東北角崩余與司鐸韓照堂先生會視山先生入廟

悉視之良緣風雨瀟晦蟲蟻齧蝕木料半腐朽而前後亦多破壞焉因歎功程浩大相與籌議者久之邑人孝

廉公李樸園商之兩學師倡為題捐之說余以石僻邑也職官無多士皆寒素縱各為捐輸竊恐驟難成腋而

諸紳士急公恐後彼此勸勉凡有志進取者無不竭力資助不數月已成數於乙酉六月初八日興工上自

啟聖宮 大成殿皆式廓增高暨兩廡櫺星門泮池圍牆莫不功歸實際財不虛糜所謂闕宮有伽其實枚枚

者此也夫眾志之踴躍可成事於刻期一心之精誠能乞靈於呵護當 大殿傾圮之時幾於妥侑無所諸君

子竭力匡襄克成厥功集當羣議首為倡舉者見其大也墊用支給不自吝惜者識其正也鳩工庀材不辭勞

瘁者力之果也分段捐修克成厥終者志之毅也幸觀厥成堂基不煥神所憑依亦其福汝異日者人文蔚起科第聯繹皆此誠之所能格而啟佑正无疆也卜工於乙酉之六月卒事於丙戌之三月凡十月而告成神人

共慰士庶歡騰因為序 二十七年為颶風所壞二十八年知縣程志篋修復

程志篋記石城縣學始自江頭

而經略始備前令李公喻公均革故而鼎新之道光丁未秋颶風發侵及文廟棟橈椽折瓦石俱裂諸紳士咸惻然以爲憂是歲臘余攝篆是邑見之且轉爲賀之有問於余者曰家之塾黨之庠術之序國之學綱常是賴名教攸關隆非舉是可憂也何賀爲余曰不然天下事不有廢何有興消長盈虛古今不殊其理今天之震動我邑者安知非造物故爲摧折以爲風運之一大轉機乎迨與語舉欣然捐資歛財踴躍趨事謀之司教江君司訓邱君卜於戊申孟秋念二而功以始相與循其故址鳩工庀材不待採山而丈梁勁榭合杳四集於是結梓增焚攻木礮石塗墍設飾之工爭出其巧鍊者增隘者廣凡名宦之在門左鄉賢之在門右均無不煥然一新焉雖工費浩繁簿書旁午弗計也是役也董其事者矢公矢慎又有諸君相與交襄協贊不數月而遙觀厥成余乃集諸紳士入廟瞻拜益相對欣然憚於心見於色因手筆而謹誌諸石

同治十三年

重修櫺星門採光緒三年知縣奎成合紳士修明倫堂

十二年重修鳳閣工料在小賓興項下動支檔今制坐

壬向丙 大成殿居中南嚮覆黃琉璃瓦門楹皆丹蘄前爲露臺兩腋爲東西廡東廡下爲祭器庫西廡下爲

樂器庫中有戟門左爲名宦祠右爲鄉賢祠左橫接更衣廳右橫接省牲所兩邊週以圍牆中有泮池下則櫺星門左出爲聖域門右出爲賢關門繞以闌干外空地爲照牆 正殿後爲崇聖祠正殿西爲明倫堂後爲訓導署堂右爲西齋舊署地一所先年守備謝天恩起屋罩去屋簷牆後橫一段

東直一帶正殿左爲教諭署下有東齋舊署地一所自街而一丈餘東至小巷止因天啟七年改向與廡生全若彝兌西邊地開泮池今改回原址 參張志採訪

凡歲春秋釋奠於 先師之禮以四配十二哲侑饗殿中以先賢先儒從祀兩廡

大成殿正位南嚮

至聖先師孔子

字仲尼魯人周靈王二十一年庚戌即魯襄公二十二年十月庚子日生今之八月二十七日是也周敬王四十四年壬戌即哀公十六年四月十八日乙丑日卒壽七十三歲

東配位西嚮

復聖顏子 名回字子淵魯人少孔子三十歲

述聖子思子 名伋字子思伯魚之子孔子之孫受業於曾子

西配位東嚮

宗聖會子 名參字子輿白水碑陰作子與魯南武城人年十六受業於孔子少孔子四十六歲

亞聖孟子 名軻字子輿漢書注云字子車鄒人受業於子思

東哲位西嚮

先賢閔子 名損字子騫魯人少孔子十五歲列東哲第一位

先賢冉子 名雍字仲弓魯人伯牛之宗族少孔子二十九歲列東哲第二位

先賢端木子 名賜字子貢禮記作贛聖門志河南衛輝府人少孔子三十一歲列東哲第三位

先賢仲子 名由字子路一字季路魯之卞人卽今泗水縣少孔子九歲列東哲第四位

先賢卜子 名商字子夏衛人檀弓疏魏人少孔子四十四歲列東哲第五位

先賢有子 名若字子有魯人少孔子十三歲列東哲第六位

西哲位東嚮

先賢冉子 名耕字伯牛白水倉頡碑作百牛聖門志鄆城人列西哲第一位

先賢宰子 名子字子我魯人列西哲第二位

先賢冉子 名求字子有魯人仲弓之宗族少孔子二十九歲列西哲第三位

先賢言子 名偃字子游石經作旂檀弓注疏別字叔氏吳人家語作魯人少孔子四十五歲列西哲第四位

先賢顓孫子 名師字子張陳人少孔子四十八歲列西哲第五位

先賢朱子 名熹字元晦一字仲晦號晦庵諡曰文宋徽州婺源人列西哲第六位

東廡先賢位西嚮

先賢公孫僑 字子產鄭人原西廡同治二年改移東廡第一位

先賢林放 字子邱魯人原西廡同治二年改移東廡第二位

先賢原憲

字子思家語作宋人鄭康成注魯人聖門志河南歸德商邱人檀弓作仲憲少孔子三十六歲

列東廡第三位

先賢南宮适

史記作括家語曲阜碑朱考俱作緇字子容諡敬叔魯人孟僖子之子懿子之兄居南宮

因以為氏列東廡第四位

先賢商瞿

字子木聖門志曲阜人少孔子二十九歲列東廡第五位

先賢漆雕開

漢書人表作漆雕啟史記因避景帝諱改作開字子若史記作子開白水碑作子修家語

曲阜碑朱考作蔡人鄭康成曰魯人少孔子十歲列東廡第六位

先賢司馬耕

家語作司馬犁耕字子牛宋人桓魋之弟列東廡第七位

先賢梁鱣

一作鯉字叔魚曲阜碑字子魚咸淳志字子免齊人聖門志兗州府人少孔子二十九歲列東廡第八位

廡第八位

先賢冉孺

家語曲阜碑作冉孺字子會一作子魚魯人少孔子四十六歲列東廡第九位

先賢伯虔

古本家語作伯處史記字子析曲阜碑作子析今本家語作子楷魯人少孔子五十歲列東廡

第十位

先賢冉季

字子產一字子達列東廡第十一位

先賢漆雕徒父

家語作從父字子文史記作子有杭碑作子期或云子友魯人列東廡第十二位

先賢漆雕哆

字子斂曲阜碑作子斂或作子斂魯人列東廡第十三位

先賢公西赤

字子華魯人少孔子四十二歲列東廡第十四位

先賢任不齊

字子選楚人史記作魯人聖門志湖廣荊州府人列東廡第十五位

先賢公良孺

家語作孺字子正陳人列東廡第十六位

先賢公肩定

史記作公堅定字子中家語作子仲或作子忠魯人或曰衛人或曰晉人列東廡第十七位

位

先賢鄒單

一作鄒單字子家魯人一作衛人家語不載列東廡第十八位

先賢罕父黑

今本家語作宰父黑古本家語史記皆作字子索或作子素魯人列東廡第十九位

先賢榮旂

家語作祈一作祁一作期字子顏魯人列東廡第二十位



先賢左人郢家語作左郢或曰左人復姓字子行宋高宗

東廡二十一

先賢鄭國字子徒魯人一作宋人家語云薛邦字子從史

二十

先賢原亢本古本家語作原亢字子籍或作

先賢廉潔史記家語宋高宗先賢像贊碑潔俱作絜字子

人古史作齊人列

先賢叔仲會文翁圖會作噲字子期魯人史記作晉人少

子左右執筆記事列

先賢公西輿家語曲阜碑作公西輿字子尚聖門

東廡第二十五

先賢邾巽家語作邾選字子飲或作子

字子亢一作字子禽家語又字子元陳

先賢琴張又名牢字子開一字子張家語云

字子牢衛人列東廡第二十九位

先賢步叔乘本家語史記廣韻注作少叔乘朱考

字子之魯人曲阜碑作秦

先賢顏噲字子聲魯人列東

廡第三十二位

先賢顏何字子冉魯人列東

廡第三十三位

先賢縣直字子象魯人索隱作縣豐廣韻注

作縣直父列東廡第三十四位

先賢牧皮力牧之後原西廡同治二

年改移東廡三十五位

先賢樂正克魯人福山注云周人孟子

弟一作齊人孟子弟

先賢萬章宋人一列東廡第三十六位

字茂叔號濂溪諡元宋道州營道人

先賢周敦頤世稱濂溪先生列東廡第三十八位

先賢程顥字伯淳諡純公宋河南洛陽人與弟頤同受業

先賢邵雍字堯夫諡康節宋范陽人後徙河南

西廡先賢位東嚮

先賢蘧瑗 字伯玉魯人曲阜碑作衛人淮南子蘧作據原東廡同治二年改移西廡第一位

先賢澹臺滅明 字子羽魯武城人少孔子三十九歲原東廡同治二年改移西廡第二位

先賢宓不齊 字子賤魯人少孔子四十九歲宓同伏生其後也列西廡第三位

先賢公冶長 古本家語作萇范甯云名芝字子長白水碑作子之釋文作子張家語云魯人朱考同史記云齊人列西廡第四位

先賢公皙哀 皙或作析哀或作尅家語作公皙克字季次齊人家語字季沈魯人列西廡第五位

先賢高柴 字子羔史記作子皋一作季羔一作子墨史記鄭康成俱作衛人家語云齊人列西廡第六位

先賢樊須 字子遲齊人家語朱考俱作魯人樊皮之後少孔子三十六歲列西廡第七位

先賢商澤 字子季家語作子秀魯人列西廡第八位

先賢巫馬施 家語施作期史記作字子旗曲阜碑朱考家語俱作子期鄭康成曰魯人聖門志開封府陳州人少孔子三十六歲列西廡第九位

先賢顏辛 史記宋高宗先賢像贊碑皆作顏辛通典辛作柳咸濟臨安志作韋字子柳魯人少孔子四十六歲列西廡第十位

先賢曹邴 字子循聖門志河南汝寧府人少孔子五十歲列西廡第十一位

先賢公孫龍 古本家語作龍或謂當作龐字子石家語作衛人鄭康成曰楚人少孔子五十三歲列西廡第十二位

先賢秦商 古本家語左傳俱作字丕茲史記字子丕或作不茲魯人鄭康成曰楚人少孔子四歲列西廡第十三位

先賢顏高 一名刻一作尅家語名產字子驕通典字子精曲阜人列西廡第十四位

先賢壤駟赤 或曰壤駟復姓字子徒家語作壤字子從秦成紀人列西廡第十五位

先賢石作蜀 家語作子明秦成紀人鄭康成云楚人聖門志字子明秦成紀人鄭康成云楚人聖門志

先賢公夏首 家語作公夏守字子乘魯人列西廡第十七位

先賢后處家語作石處字子里齊人聖門志

先賢奚容蒧山東青州府人列西廡第十八位

先賢顏祖襄魯人列西廡第二十位

先賢句井疆家語作句井疆字子界山東志作子孟又作

先賢秦祖字子南秦成紀人列

先賢縣成字子祺家語作子橫隸續作子

先賢公祖句茲句一作鈞家語作公祖茲字子

先賢燕伋家語作燕伋字子思史記云字思文翁石室圖

二十  
五位

先賢樂欬一作款家語作欣字子聲

先賢狄黑字皙曲阜碑朱考俱作子皙衛人曲

先賢孔忠家語作孔弗字子茂魯人孟

先賢公西蒧字子上家語作子尚魯

先賢顏之僕字叔家語曲阜碑朱考俱作

先賢施之常字子恒家語作子常魯

先賢申枨字子續魯人史記曲阜碑又有申黨家語作申

作棠家語曲阜碑云字子周宋像贊碑云字周魯人

無申枨隸續云申枨史記作申棠家語但有申續字子周而

申黨子續子周實皆一人矣又案後漢王政碑云有羔

先賢左邱明中相之後列西廡第三十三位

先賢秦冉字開曲阜碑朱考俱作子開

先賢公明儀魯之武城人子張弟子亦曾子弟子原

先賢公都子齊人孟子弟子列

先賢公孫丑齊人孟子弟子列

先賢張載 字子厚 宋大梁人 僑寓鳳翔郾縣橫渠鎮之南 因家焉 學者稱橫渠先生 列西廡第三十八位

先賢程頤 字正叔 宋河南洛陽人 顯之弟 學者稱為伊川先生 列西廡第三十九位

東廡先儒位西嚮

先儒公羊高 周末齊人 列東廡第四十一位

先儒伏勝 字子賤 漢山東濟南人 或云子賤曾孫 秦鄉平人 列東廡第四十二位

先儒毛亨 魯人 列東廡第四十三位

先儒孔安國 字子國 西漢兗州人 孔子十一世孫 原西廡同治二年改移東廡第四十四位

先儒后蒼 字近君 東漢海鄉人 列東廡第四十五位

先儒許慎 字叔重 漢汝南召陵人 列東廡第四十六位

先儒鄭康成 名元 西漢北海高密人 原西廡同治二年改移東廡第四十七位

先儒范甯 字武子 東晉鄆陵人 原西廡同治二年改移東廡第四十八位

先儒陸贄 字敬輿 諡曰宣唐浙江嘉興人 列東廡第四十九位

先儒范仲淹 字希文 諡文正 宋蘇州吳縣人 列東廡第五十位

先儒歐陽修 字永叔 宋江西廬陵人 列東廡第五十一位

先儒司馬光 字君實 諡文正 宋山西夏縣人 原西廡同治二年改移東廡第五十二位

先儒謝良佐 字顯道 宋河南上蔡人 列東廡第五十三位

先儒羅從彥 字仲素 諡文質 宋南劍州沙縣人 學者稱為豫章先生 列東廡第五十四位

先儒李綱 字伯紀 諡忠定 宋邵武人 原西廡同治二年改移東廡第五十五位

先儒張栻 字敬夫 號南軒 諡曰宣宋四川綿竹人 學者稱為南軒先生 原西廡同治二年改移東廡第五十六位

先儒陸九淵 字子靜 諡文定 宋撫州金溪人 世稱象山先生 原西廡同治二年改移東廡第五十七位

先儒陳淳 字安卿 號鈞谷 宋漳州龍溪人 學者稱北溪先生 列東廡第五十八位

先儒真德秀 本姓慎 避諱改姓真 字景元 更字景希 宋福建浦城人 世稱西山先生 原西廡同治二年改移東廡第五十九位

石城縣志 卷四 經政 學校 二

先儒何基 字子恭 諡文定 宋婺州金華人 原西

先儒文天祥 字宋瑞 又字履善 宋末元初 江西吉水人

先儒趙復 字仁甫 宋末元初 江西德安人 學者

先儒金履祥 字吉父 諡文安 元浙江蘭溪人 世稱仁山先

先儒陳澹 字可大 元南康都昌人 原西廡同

先儒方孝孺 字布直 諡文正 明(雷)海

先儒薛瑄 字德溫 諡文清 明山西河津人 原西

先儒胡居仁 字叔心 號敬齋 諡文敬 明江西

先儒羅欽順 字允升 號整菴 諡文莊 明江西

先儒呂柟 字仲木 明陝西高陵人

先儒劉宗周 字啟東 號念臺 諡忠介 明浙江會稽人 學者

先儒孫奇逢 字啟泰 號鍾元 明直隸容城人 原西

先儒張履祥 字考夫 明嘉興府桐鄉

先儒陸隴其 號稼書 諡清獻 浙江平湖人 原西廡

先儒張伯行 字孝先 號敬菴 國朝河南儀封人 學

西廡先儒位東嚮

先儒穀梁赤 一名淑 楊士助 疏名 倣顏師 古曰名喜 又名

先儒高堂生 字升平 秦時魯人 漢書無名稱 生

先儒董仲舒 字寬夫 西漢廣川人 原東廡同

先儒劉德 諡獻 列西廡

先儒毛萇 字長公 西漢河間人

先儒杜子春 字時元 東漢河南郡人 原東廡同

先儒諸葛亮 字孔明 諡忠武 後漢瑯琊郡人 原東 廬同治二年改移西廬第四十六位

先儒王通 字仲淹 隋河東龍門人 原東廬同 治二年改移西廬第四十七位

先儒韓愈 字退之 諡曰文 唐昌黎人 一作河 南修武人 列西廬第四十八位

先儒胡瑗 字翼之 諡文昭 宋江南海 陵人 列西廬第四十九位

先儒韓琦 字稚圭 宋相州安陽人 原東廬 同治二年改移西廬第五十位

先儒楊時 字中立 諡文靖 宋南劍州將樂人 世號龜山 先生 原東廬同治二年改移西廬五十一位

先儒尹焞 字彥明 一字德充 宋洛陽 人 列西廬第五十二位

先儒胡安國 字康侯 諡文定 宋福建崇 安人 列西廬第五十三位

先儒李侗 字愿中 諡文靖 宋劍浦人 原東廬 同治二年改移西廬第五十四位

先儒呂祖謙 字伯恭 諡文亮 宋浙江金華人 原東 廬同治二年改移西廬第五十五位

先儒袁燮 字和叔 諡正獻 宋四明 人 列西廬第五十六位

先儒黃榦 字直卿 號勉齋 宋福建閩縣人 朱 熹以女妻之 列西廬第五十七位

先儒輔廣 字漢卿 號潛庵 朱子之門人 學者 稱爲傳貽先生 列西廬五十八位

先儒蔡沈 字仲默 諡文正 宋福建建陽人 西山先生 仲子 原東廬同治二年改移西廬第五十九位

先儒魏了翁 字華父 號鶴山 諡文靖 宋四川浦江人 原東廬同治二年改移西廬第六十位

先儒王柏 字會之 號長嘯 更號魯齋 諡文憲 宋婺州金華 人 原東廬同治二年改移西廬第六十一位

先儒陸秀夫 字君實 楚州鹽城人 列西廬第六十二位

先儒許衡 字平仲 號魯齋 諡文正 元河南 懷慶人 列於西廬第六十三位

先儒吳澄 字幼清 諡文正 元撫州崇仁人 一作臨川人 學 者稱草廬先生 原東廬同治二年改移西廬第 六十四位

先儒許謙 字益之 其先京兆人 元初時由平江徙金華 受 業於金履祥 學者稱白雲先生 原東廬同治二 年改移西廬第六十五位

先儒曹端 字正夫 澠池人 學者稱月川先生 原東 廬同治二年改移西廬第六十六位

先儒陳獻章 字公甫 號石齋 晚號石翁 諡文恭 明廣東新 會人 世稱爲白沙先生 列西廬第六十七位

先儒蔡清 字介夫號虛齋明福建晉江人 世稱虛齋先生列西廡第六十八位  
先儒王守仁 字伯安諡文成明浙江餘姚人學者稱陽明先生原東廡同治二年改移西廡列第六十

位九

先儒呂坤 字叔簡號新吾或作心吾明河南甯陵人列於西廡第七十位

先儒黃道周 字幼平號石齋明福建漳浦人原東廡同治二年改移西廡第七十二位

先儒陸世儀 字道威江蘇太倉人學者稱為桴亭先生原東廡同治二年改移西廡第七十二位

先儒湯斌 字孔伯號潛庵諡文正國朝河南睢州人原東廡同治二年改移西廡第七十三位

崇聖祠在文廟後

正位南嚮

肇聖王木金父位正中

裕聖王祈父位東一室

詒聖王防叔位西一室

昌聖王伯夏位東二室

啟聖王叔梁紇位西二室

東配位西嚮

先賢孔氏孟皮 孔子之兄

先賢顏氏 名無繇家語作顏由字季路曲阜碑作子路顏淵之父

先賢孔氏 名鯉字伯魚子思之父

西配位東嚮

先賢曾氏 名點史記宋高宗先賢像贊碑作葢字子皙曾參之父

先賢孟孫氏 名激字公宜孟軻之父

東列從祀位西嚮

先儒周氏 名輔成字伯大周敦頤之父

先儒程氏 名珦字伯温程頤之父

先儒蔡氏 名元定字季通蔡沈之父學者稱西山先生

西列從祀位東嚮

先儒張氏 名迪張載之父世大良人

先儒朱氏 名松字喬年朱熹之父

每歲二八月上丁日致祭致齋二日用白紙糊版墨書祝

文送至文廟神庫黃案上安設一跪三叩頭退前一日

主祭官具朝服上香監視宰牲並瘞毛血正祭日先

師位前帛一牛一羊一豕一登一釧二簠簋各二籩豆

各十尊一爵三鑪一鐙二四配各帛一羊一豕一釧二

簠簋各二籩豆各八爵三鑪一鐙二東西各尊一十二

哲各帛一釧一簠簋各一籩豆各四爵三東西各羊一

豕一尊一鑪一鐙二兩廡二位具一案每位爵一每案

簠簋各一籩豆各四東西各羊三豕三尊三統設香案

二每案帛一爵三鑪一鐙二牲載於俎帛正位四配異

筐十二哲東西共筐尊實酒疏布冪勺具祭祀經費銀

六十九兩五錢八分一釐二毫在均平項內動支雞初

鳴各官朝服預集於戟門外更衣所將行禮通贊唱鼓

初嚴鼓再嚴鼓三嚴執事者各司其事樂舞生登歌文

舞六佾進正獻官分獻官盥洗引贊唱詣盥洗所盥洗

通贊唱正獻官就位分獻官就位陪祭官就位迎神樂

贊唱舉迎神樂奏昭平之章通贊唱行上香禮贊引唱

詣先師香案前跪上炷香三上瓣香叩首興以次分

詣四配位前上香儀同畢復位兩哲兩廡分獻官各一

人詣各位前上香復位儀俱同通贊唱行迎神禮各官



行三跪九叩禮興通贊唱行初獻禮樂贊唱舉初獻樂  
奏宣平之章引贊唱詣 先師神位前跪叩興司帛跪  
奉篚承祭官受篚拱舉奠於案司爵跪奉爵承祭官受  
爵拱舉奠於塾中跪叩興詣讀祝位立司祝生詣祝案  
旁跪三叩興捧祝版跪引贊唱正獻官跪通贊唱眾官  
皆跪引贊唱讀祝文樂暫止司祝讀畢捧祝版至正位  
前案上跪安帛匣內三叩興退眾官三叩興通贊唱行  
分獻禮承祭官詣四配儀如正獻分獻各官俱照承祭  
官行禮皆復位通贊唱行亞獻禮樂贊唱舉亞獻樂奏  
秩平之章引贊唱詣 先師各位前獻爵奠於左儀如  
初獻通贊唱行終獻禮樂贊唱舉終獻樂奏敘平之章  
引贊唱詣 先師位前暨各位前獻爵奠於右儀如亞

獻樂止文德之舞退通贊唱飲酒受胙引贊唱詣飲福  
受胙位跪飲福酒受福胙三叩興通贊唱行謝福禮引  
贊唱三跪九叩興通贊唱徹饌樂贊唱舉徹饌樂奏懿  
平之章徹畢樂止通贊唱送神樂贊唱舉送神樂奏德  
平之章通贊唱各官行三跪九叩禮興通贊唱送燎司  
祝帛各至案前一跪三叩司饌跪不叩頭祝先帛次饌  
次恭送燎所承祭官避立西旁俟過畢復位樂復作通  
贊唱望燎引贊唱詣燎所望燎復位樂止通贊唱樂舞  
生退班眾官皆退禮成

大清會典續纂  
通禮禮部則例阮通志

祝辭曰維某年月日某官致祭於  
至聖先師孔子曰惟 先師德隆千聖道冠百王揭日月以  
常行自生民所未有屬文教昌明之會正禮和樂節之

時辟雍鐘鼓咸恪薦以馨香泮水膠庠益致嚴於籩豆  
茲當仲春秋祇率彝章肅展微忱聿陳祀典以復聖顏子

宗聖曾子述聖子思子亞聖孟子配向饗續纂通禮

崇聖祠同時致祭正位前陳設五案每位禮神制帛一色白

白磁爵三羊一豕一劔二簋二籩八豆八酒罇一

鑪一鐙二配位陳設每位一案禮神制帛二色白豕首一

豕肉一每位銅爵三簋一籩一籩四豆四酒罇一鑪一

鐙二兩廡陳設禮神制帛二色白每位銅爵三簋一籩一

籩四豆四豕肉一酒罇一鑪一鐙一祭祀經費在正祭

項內正祭日具朝服贊引官承祭官入後殿左門至盥

洗處盥手畢典儀唱執事官各司其事贊引官就位承

祭官就位立典儀唱迎神贊引官贊跪叩興承祭官行

三跪九叩禮興典儀唱奠帛行初獻禮贊引官贊陞壇

承祭官入殿左門贊引官贊詣 肇聖王位前承祭官

詣位前立贊引官跪承祭官行一跪一叩禮興贊引官

贊奠帛捧帛官跪進承祭官受帛拱舉立獻畢贊獻爵

執爵官跪進承祭官受爵拱舉立獻畢行一跪一叩禮

興贊引官贊詣

裕聖王位前次詣

詣聖王

昌聖王

啟聖王位前奠帛獻爵如前儀贊引官贊詣讀祝位承祭

官詣讀祝位立讀祝官至祝文案前一跪三叩捧祝版

立於案左贊引官贊跪承祭官讀祝官皆跪贊引官贊

讀祝讀祝官讀畢捧祝版跪安案上帛匣內三叩退贊引官贊叩興承祭官行三叩禮贊引官贊詣先賢孔氏位前承祭官詣位前立贊引官贊跪承祭官行一跪一叩禮興贊奠帛捧帛官跪進承祭官受帛拱舉立獻畢行一跪一叩禮興贊引官贊詣先賢顏氏位前次詣先賢曾氏先賢孔氏先賢孟孫氏位前奠帛獻爵如前儀畢贊引官贊復位承祭官復位立典儀唱行亞獻禮獻爵於左如初獻儀典儀唱行終獻禮獻爵於右如亞獻儀典儀唱徹饌唱送神贊引官贊跪叩興承祭官行三跪九叩禮興典儀唱捧祝帛饌各恭詣燎位捧祝帛官至位前一跪三叩捧祝帛起捧饌官跪不叩捧饌起依次送至燎位承祭官送至西旁立候祝帛過仍復位

立典儀唱望燎贊引官贊詣望燎位承祭官至燎位焚

祝帛贊引官贊禮畢退

參會典續纂通禮 郝通志 阮通志

祝辭曰維某年月日某官致祭於

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌

昌凡聲教所覃敷率循源而溯本宜肅明禋之典用申

守土之忱茲屆仲春秋聿修祀事配以先賢孔氏先賢顏

氏先賢曾氏先賢孔氏先賢孟孫氏尙饗續纂通禮

案會典文廟為中祀

歷代崇祀典禮

魯哀公十七年立廟於故宅

漢高祖十二年過魯以太牢祀孔子

成帝綏和元年詔封孔子世為殷紹嘉公

平帝元始元年追諡褒成宣尼公

光武建武五年幸魯使大司空祀孔子

明帝永平二年始與周公並祀於郡縣學十五年幸孔子

宅祀孔子並七十二弟子顏子位第一

章帝元和二年幸闕里以太牢祀孔子作六代之樂

和帝永元四年追封褒尊侯

安帝延光三年祀孔子及七十二子於闕里

魏文帝黃初元年命孔子二十一世孫議郎孔羨為宗聖

侯以奉孔子之祀令魯郡修起舊廟置百名吏卒以守衛之

廢帝正始二年以顏淵配七年命太常釋奠以太牢祀孔子

子於辟雍

晉武帝泰始三年詔太學及魯國四時備三牲以祀孔子

七年皇太子親釋奠太學

南宋文帝元嘉二十二年太子釋奠舞六佾設軒懸之樂

梁武帝天監四年初立孔子廟於京師

北魏文成帝詔宣尼廟別敕有司行薦享之禮

孝文帝太和十六年改諡文宣尼父十九年如魯親祀孔子

子

東魏興和二年兗州刺史李挺始塑 聖像於闕里

北齊稱孔宣王每月朔祭酒領博士以下及國子諸學士以上謁廟行禮

北周靜帝大象二年封鄒國公

隋制國子學每歲四仲月上丁釋奠於先聖先師州縣學則以春秋仲月釋奠文帝贈為先師尼父

唐高祖武德二年詔國子學立周公孔子廟各一四時致祭

太宗貞觀二年從左僕射房元齡等議尊孔子為先聖而以顏回配四年詔州縣學皆作孔子廟十一年尊為宣聖尼父二十年詔皇太子入國學釋奠於先聖先師二十一年詔以左邱明卜子夏公羊高穀梁赤伏勝高堂生戴勝毛萇孔安國劉向鄭眾杜子春馬融盧植鄭元

服虔何休王肅王弼杜預范甯賈逵二十二人從祀尼父廟

高宗乾封元年過曲阜祀孔子追贈曰太師總章元年贈顏回太子少師曾參太子少保皆配享

元宗開元八年以顏無繇孔鯉曾點閔子損冉子雍端木子賜仲子由卜子商有子若冉子耕宰子予冉子求言子偃顓孫子師從祀哲位十三年幸孔子宅祀孔子二十七年追諡孔子為文宣王贈顏子兗國公閔損等九人為侯曾參等為伯以蘧瑗澹臺滅明原憲南宮适商瞿漆雕開司馬耕梁鱣冉孺伯虔冉季漆雕徒父漆雕哆公西赤任不齊公良孺公肩定鄒單孚父黑榮旂左人郟鄭國原亢廉潔仲叔會公西輿如邾巽陳亢琴張

步叔乘秦非顏噲顏何林放宓不齊公冶長公皙哀高柴樊須商澤巫馬施顏辛曹卹公孫龍秦商顏高壤駟赤石作蜀公夏首后處奚容蒧顏祖句井疆秦祖縣成公祖句茲燕伋樂欬狄黑孔忠公西蒧顏之僕施之常申棖左邱明秦冉從祀

五代後周太祖幸曲阜謁拜孔子祠又拜於墓

宋太祖建隆三年視學詔廟門立戟十六

真宗大中祥符元年幸曲阜謁拜孔子祠又至墓奠拜咸

平中追諡元聖文宣王尋以犯祖諱改至聖封聖父為

齊國公祀啟聖祠四年詔州城作廟

仁宗天聖二年臨國子監謁孔子景祐二年詔釋奠用登

歌慶厯四年作太學謁孔子故事止肅揖此特再拜

神宗元豐七年以孟子同顏子配享荀况揚雄韓愈並從祀

哲宗元祐六年釋奠孔子行奠一獻再拜

徽宗崇甯四年從司業蔣靖議文宣王冕十二旒服九章

大觀二年以子思從祀四年詔廟用戟二十四文宣王

執鎮圭並用王者制又從蔡京請以王安石配享

欽宗靖康年楊時請毀安石配享之像安石廟祀即廢

南宋高宗紹興十四年謁孔子廟

孝宗淳熙四年謁孔子

理宗淳祐元年謁孔子加周敦頤張載程顥程頤封爵與

朱熹並從祀景定二年詔皇太子釋奠孔子加張栻呂

祖謙伯爵從祀

度宗咸淳三年釋菜於孔子以顏曾思孟爲四配升顓孫師於十哲以邵雍司馬光從祀

元成宗卽位詔中外崇祀孔子大德十二年加孔子號曰大成至聖文宣王加封聖父爲啟聖王

武宗卽位加號諡大成至大二年定制春秋二丁釋奠用太牢

仁宗皇慶二年以許衡從祀

泰定帝卽位遣使至曲阜以太牢祀孔子

文宗至順二年加封四配顏曾思孟爲復聖宗聖述聖亞聖各公爵是年又加孔子父母封爵以董仲舒從祀

明太祖卽位以太牢祀孔子於國學仍遣使曲阜致祭洪武三年更定釋奠祭器禮物詔孔子封爵仍舊每歲二

丁遣官祭於國學每月朔望遣內臣進香四年令進士

釋褐詣國學行釋菜禮十五年詔天下儒學通祀孔子

頒釋奠儀十七年勅每月朔望祭酒以下行釋菜禮郡縣長以下詣學行香二十六年頒大成樂器於天下令

州縣如式製造二十九年黜揚雄從祀

成宗卽位詣太學釋奠行四拜禮永樂八年正文廟聖賢繪塑衣冠令合古製

宣宗宣德二年刊定從祀名爵位次頒行天下

英宗正統二年以宋胡安國蔡沈真德秀從祀三年禁釋老宮不得祀孔子以顏路曾點孔鯉孟孫激配享啟聖

祠俱封公八年追封元吳澄爲臨川郡公從祀九年春新建太學成上臨視行禮天順元年冬供先師孔子及

顏子曾子子思孟子鍍金銅像於文淵閣

憲宗成化二年重修闕里廟成上製文紀之十二年命增

孔子廟籩豆十二樂舞八佾封董仲舒為廣州伯胡安

國建甯伯蔡沈崇安伯真德秀浦城伯十六年詔天下

學校孔子廟廷所在凡過門者皆下馬

孝宗宏治元年三月上視太學謁先師八年黜吳澄九年

封宋楊時為將樂伯從祀

世宗嘉靖九年從輔臣張璁議以孔子廟籩豆十一牲用

犢儀同祀天非正禮改稱至聖先師孔子啟聖王為啟

聖公四配為復聖宗聖述聖亞聖十哲以下及門弟子

稱先賢左邱公羊氏以下稱先儒罷公侯伯諸封爵去

塑像設木主仍擬大小尺寸著為定式至聖先師木主定式高二尺三寸七分闊四寸厚七分座高四寸長七寸厚三寸四分

朱地金書四配木主定式高一尺五寸闊三寸二分厚五分座高四寸長六寸厚二寸八分十哲木主定式高一尺四寸闊二寸六分厚五分座高二寸六分長四寸

厚二寸兩廡先賢木主定式與十哲同式先儒木主定式高一尺三寸四分闊二寸三分厚四分座高二寸六分長四寸厚二寸俱赤地黑書

洪武十四年首建大學自夫子以下像不土繪祀以神主則學宮不塑像明初已有定制張

璁等所議乃述祖訓而申言之耳以申黨節申棖止

存棖祀其公伯寮秦冉顏何荀况戴勝劉向賈逵馬融

王肅王弼何休杜預十二人俱罷祀林放蘧瑗鄭眾盧

植鄭康成服虔范甯吳澄八人祀於其鄉進后蒼王通

胡瑗陸九淵歐陽修從祀改稱大成殿為先師廟樂章

凡稱王者並易為師籩豆十樂用六佾令天下學校通

建啟聖祠以顏無繇曾點孔鯉孟孫激配程珦朱松蔡

元定從祀



穆宗隆慶五年以薛瑄從祀

神宗萬曆十二年以陳獻章王守仁胡居仁從祀二十三年以周輔成從祀啟聖祠四十七年以羅從彥李侗從祀

國朝

世祖順治二年定文廟諡號稱大成至聖文宣王先師孔子每歲仲春秋上丁日致祭十四年復改諡至聖先師孔子

聖祖康熙八年臨龐釋奠二十三年幸闕里詣先師廟跪讀祝文行三獻禮三跪九叩牲用太牢祭品十籩豆樂用六佾又詣孔林行叩頭禮

御書萬世師表匾敬懸大成殿二十五年

御製至聖及四配贊五十一年以朱熹升祔十哲之次五十五年以范仲淹從祀五十九年

命武職許人 文廟與文職一體行禮

世宗雍正元年加文廟祭品太牢一籩豆各一改啟聖祠為崇聖祠追王五代

詔各學建忠義孝弟祠仍建節孝祠於學宮門外二年復祀林放蘧瑗秦冉顏何鄭康成范甯六人增祀縣貢牧皮樂正子公都子萬章公孫丑諸葛亮尹焞魏了翁黃榦陳淳何基王柏趙復金履祥許謙陳澔羅欽順蔡清陸隴其二十人又增祀張迪於崇聖祠三年頒 文廟禮樂圖籍四年

御書生民未有匾敬懸大成殿五年

諭直省內外先師誕日齋戒

高宗乾隆二年升有若於東哲移朱子位於西哲復以吳澄從祀三年臨廡

御書與天地參匾敬懸大成殿六年頒先賢先儒從祀位次均照國子監成式

仁宗嘉慶五年臨廡

御書聖集大成匾敬懸大成殿二十四年遣官闕里致祭宣宗道光元年臨廡

御書聖協時中匾敬懸大成殿遣官闕里致祭二年以劉宗周從祀三年以湯斌從祀五年以黃道周從祀六年以呂坤陸贄從祀八年以孫奇逢從祀二十三年以文天祥從祀二十九年以謝良佐從祀

文宗咸豐元年

御書德齊疇載匾敬懸大成殿以李綱從祀二年以韓琦從祀三年臨廡致祭四年以公明儀從祀七年以孔孟皮配享崇聖祠以公孫僑從祀九年以陸秀夫從祀十年以曹端從祀

穆宗同治元年

御書聖神天縱匾敬懸大成殿二年以毛亨方孝孺呂柟從祀並從禮部請兩廡先賢先儒名位各就時代案其生平一東一西以次排列定祀位圖頒行天下七年以袁燮從祀十年以張履祥從祀

皇帝光緒元年

御書斯文在茲匾敬懸大成殿以陸世儀從祀二年以許慎

從祀三年以劉德從祀四年以張伯行從祀五年以輔  
廣從祀參會典續通考闕里志祀典輯聞大學  
衍義補曝書亭集出山異數記檔冊

祭器

銅爵一百四十九

白磁爵二十四

銅酒尊三

鐵犧尊一

鐵象尊一

鐵泰尊一

鐵山尊一

鐵壺尊一

鐵著尊一

鐵鬯尊一

銅龍杓一

錫登一有蓋

錫釶十五有蓋

錫簠五十二有蓋

錫簋五十二有蓋

竹籩二百一十

木豆二百一十

繡龍罽六

俎盤一連桌

帛盤二十四

洗盤一

祝版一

樂器

鐘一

銅僉名鐘一有架連絲

應鼓二架二頂圍二蓋  
燧四十珠圍八

鼉鼓一架連

門鼓一架連

鼗鼓二架連

僉名鼓一架連

銅編鐘十六有架連絲  
燧鳳全

銅編磬十六有架連絲  
燧鳳全

特磬一有架連絲  
燧鳳全

琴六囊六琴六箱  
絃線全

瑟四囊四架八箱  
絃線全

祝一有柄  
連架

敔一架連

搏拊二架連

笙六囊六

龍笛六囊六  
有燧

洞簫六囊六  
有燧

鳳簫二囊

箎四囊四有燧

舞器

大麾一連寶蓋龍頭竿綫子架全

三眼簫三十六

干二

孔雀尾六十

貯各器高木櫃四已上俱據學冊

案雍正三年工部頒行祭器樂器式樣令倣照製造

十二年議准直省文廟祭器未全備者地方官詳

請照額設原數補製齊備如有損壞遺失分別責成

地方官教官賠修乾隆元年奉行祭器樂器有未製

壘二囊

歌詩章板八

旌節二連寶蓋龍頭竿綫子架二

龍頭翟三十六

戚二

綾雉尾一百零八

祭品

備者均動項成造十二年議准悉用古制以備隆儀

太羹用特牛七體刷大湯鍋熟煮不加鹽料撤其和羹

用豕脊肉切薄片煮牛淡湯淖過漉起然後用鹽醬

油醋芹韭絲調勻又切猪腰如荔形蓋面臨時用淡牛

肉熟澆滿黍稷用二米滾湯煮熟撈起稻梁用二米各

勺之釧內黍稷傾盆內稍冷盛筐內起稻梁水內淘淨

入甑中蒸黑餅用蕎麥麵餅如掌大鑪乾每籩二十枚

熟盛籩內黑餅印圓餅如掌大鑪乾每籩二十枚

白餅用白麥麵製上棗菱芡已上三物擇潔白者砌

棗潔淨實籩內栗揀大栗去殼起上銳下豐與籩相稱

內俱搓以鹽放之桶內一夜取出曬鹿脯用鹿尾加

乾臨時用溫水洗淨酒浸切實籩內鹿脯用鹿尾加

煮熟切為小塊臨形鹽為虎豹山形芹菹用生者切和

用再加麻油炒之形鹽為虎豹山形芹菹用生者切和

料韭菹一段去本末取中菁菹擇過青菜以湯芼之切

菹用乾筭鹽水煮過切醃醃油薑椒肉切小方塊加鹽

片加鹽薑油醋調和醃醃油薑椒肉切小方塊加鹽

熟以香為度實豆內鹿醢 兔醢 魚醢用各肉碎製與醢同豚拍用豬肉取方大塊抹以油脾析用牛羊肚子百葉刷去黑皮醬鹽蜜醋酒蒸熟切作細條沸湯淖過加醋醬葱薑酒拌勻酒清酒久嘗再炒以香為度而列者

案明正統二年令丁祭品物有非其土產者鹿以羊代榛栗以所產果品代今仍之

樂章乾隆八年奉禮部頒行各省遵用

迎神樂奏昭平之章無舞

大尺哉凡孔上子尺五先尺覺凡先尺知上與凡天尺地  
上尺參尺萬尺世凡上之尺五師尺祥尺五徵尺麟尺紱尺上韻尺  
答凡上金尺六絲凡上日乙凡月上尺六既尺六揭尺五乾尺凡坤尺上清尺凡夷

初獻樂奏宣平之章有舞

子尺六懷乙凡明上六德尺五玉凡上振乙凡金尺六聲凡上生尺六民乙凡未  
凡上尺有尺五展乙凡也上六尺大尺五成上六尺俎尺五豆凡上干尺六古尺五春上  
秋上尺六上尺五丁上六尺清尺六酒凡上既乙凡載尺六其乙凡香上六始尺凡升

亞獻樂奏秩平之章有舞

式尺六禮乙凡莫上五乙凡愆尺六升凡上堂尺五再乙凡獻尺六響尺上協尺五鼗  
乙凡鏞尺六上誠尺五孚尺上凡罍尺五凡甗尺六肅尺五肅尺五雍尺六上雍尺六譽尺凡  
髦尺六斯尺凡上彥尺六禮尺凡上陶尺五樂乙凡淑尺上相尺五觀尺上而乙凡善

終獻樂奏敘平之章有舞

自尺六凡古乙凡在尺五昔尺六先尺上凡民尺五有乙凡作尺六皮尺五弁尺上祭  
乙凡菜尺六於尺上凡論尺五思尺上六樂乙凡惟尺五上天尺上牖尺六民尺凡惟乙

聖尺上時乙凡若上六彝尺五倫尺五攸凡上敘尺六至凡上今尺五木乙凡鐸

徹饌樂奏懿平之章無舞

先凡尺師乙尺有上六言尺五祭尺六則凡上受尺六福尺五四乙凡海尺六鬻尺五宮凡上疇乙凡敢上六不乙凡肅尺六禮尺五成凡上告尺六徹尺五母乙凡疏上母乙凡瀆尺六樂尺五所尺上自乙凡生尺六中尺五原上六有乙凡菽

送神樂奏德平之章望燎同

鳧尺六繹乙凡峩上六峩尺五洙凡上泗尺六洋乙凡洋上六景凡上行尺五止凡上流乙凡澤上六無尺五疆上六聿尺五昭凡上祀乙凡事尺六祀尺六事凡上孔乙凡明上六化尺六我尺五蒸尺五民凡上育乙凡我上六膠乙凡庠

案歌用佾生六人各執笏板立於堂上並歌蓋歌為樂中之主八音皆所以和歌也歌音合律則鐘磬琴瑟簫笛之聲吹彈清濁高下之節皆準此而協矣凡樂作用麾幡二一繪升龍以起樂一繪降龍以止樂每章麾佾生唱樂奏某平之章六字樂奏二字唱欲勃然而起某平之章四字分排唱下欲春容和雅不得急促暴戾每歌一章聽祝啟畢唱樂止二字其聲欲颯然而清右樂六章前譜春祭所用後譜秋祭所用二月律中夾鐘以夾鐘為宮八月律中南呂以南呂為宮故辭雖同而譜各異也

舞譜

初獻宣平之舞

予 正立羽

明 正立兩手微拱

玉 前向西首微側右足進

金 正面向身微蹲

生 外倒指內少垂

未 正立面向外兩手相

展 內向兩足並

大 身微向外兩手推

俎 前向內身俯內足進

千 正立籥斜

春 正立籥平額交如十字

上 正立籥平

懷 身作向內勢兩足勾後面轉

德 正立籥植近眉

振 身俯向東面轉向西

聲 兩手伸出羽籥斜交

民 並向內身俯兩足

有 正立籥平舉

也 過肩羽植

成 推外向面仰兩手

豆 正立籥如十字

古 手向外籥下垂右

秋 身微向外羽籥

丁 偏外如十字

清 內向兩足並籥內

旣 正立籥平

其 正立左手伸出籥

始 斜舉羽植近左肩

亞 籥如十字

式 正立籥平

莫 手並身微蹲兩

升 籥外向身微俯

再 籥高舉斜指外羽植

響 籥如十字

誠 籥身俯向內足進前

籥 籥外趾虛立羽籥並植

誠 籥身俯向內足進前

酒 身俯向外外足進前

載 正立身俯籥平

香 籥居植中植籥上

升 正立兩手高拱過

額 籥如十字

禮 籥內向兩足虛立

愆 籥斜倚膝羽植

堂 並推向外內足兩手相

獻 手高舉羽籥斜交

協 籥身微蹲面向西羽

鏞 正立籥植

孚 籥內趾虛立羽籥並植

籥 正立首微

鼻 正面起左足

肅 內向首微俯兩足

雍 正立兩手伸

譽 正立籥平舉右

斯 正面起右足

禮 身微向東右足進前

樂 身微向西左足進前

相 正立羽

而 正面身微向東

終獻敘平之舞

白 正面右足交於

在 正面身微蹲兩手

甌 正立籥植過肩羽

肅 俯身偏外起外

雍 內向籥斜指

髦 正立左手伸出籥

彥 正立籥植居

陶 正面身作向東勢兩手

淑 正面身作向西勢兩手

觀 仰面向內兩足

善 身俯面微仰向內抱內

古 向西身俯左足進

昔 向外向起外

先 正面右足交於

有 前籥下垂羽植地

皮 斜舉過肩羽植

祭 正面屈右足羽

於 內向兩手相並

思 向內身俯起內

惟 正面屈左足羽

牖 正立羽籥向

惟 正立籥平

時 外籥如十字

彝 外籥如十字

攸 斜植地羽植

民 前籥下垂羽植地

作 正立籥平衡羽

弁 正面上籥平舉羽植居中

菜 正立身俯

論 高舉羽籥斜交偏外

樂 正立籥下垂衡

天 正面上籥下垂衡斜羽斜舉過肩

民 正立羽籥向

聖 指面向內籥平

若 正立身俯羽

倫 正立羽籥偏

敘 正立兩手相



至 正面屈左足羽籥如十字

木 正面屈雙足羽籥植

今 正面屈雙足籥平衡羽植居右

鐸 俯首至地羽籥如十字

案乾隆五年令郡縣選樂舞生一百二十八名延師教習以備合樂之用七年令丁祭樂舞生准用生員藍衫雀頂舞用六佾佾生三十六人左右各十八人皆右執羽左執籥以節領之引導進退凡六變初變在綴之中東西立象尼山毓聖五老降庭再變而為佾數稍前進象筮仕於魯而魯治三變而東西分象歷聘列國而四方化四變稍後退象刪述六經告備於天五變而左右向象講學傳道於賢六變而復歸綴中東西立象廟堂尊崇弟子配享

名宦祠 舊在學宮戟門下乾隆四十年知縣喻寶忠移置戟門左參張志

祀位

毛士毅 宋石城縣知縣

倪望 明石城縣丞

俱夢騶 明石城縣知縣

祁墳 國朝太子少保兵部尚書兩廣總督

鄉賢祠 舊在學宮戟門下乾隆四十年知縣喻寶忠移置戟門右參張志

祀位

楊欽 明翰林院編修

李澤 明進士戶部郎中轉福建鹽運使司

高魁 明進士吏部文選司授中書制誥舍人

以上二祠歲春秋釋奠禮畢教諭一人公服詣祠致祭各帛一羊一豕一籩四豆四尊一爵三讀祝望燎承祭

官行三叩禮如儀祭品銀兩在丁祭項內

參會典阮通志縣冊

欽頒卧碑文

順治九年奉頒勒石

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

- 一 生員之家父母賢智者子當受教父母愚魯或有非為者子既讀書明理當再三懇告使父母不陷於危亡
- 一 生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者適以自殺其身常宜思省
- 一 生員不可干求官長交結勢要希圖進身若果心善德

全上天知之必加以福

- 一 生員當愛身忍性凡有司官衙門不可輕入即有切己之事止許家人代告不許干與他人詞訟他人亦不許牽連生員作證
- 一 為學當尊敬先生若講說皆須誠心聽受如有未明從容再問毋妄行辨難為師者亦當盡心教訓勿致怠惰
- 一 軍民一切利病不許生員上書陳言如有一言建白以違制論黜革治罪
- 一 生員不許糾黨多人立盟結社把持官府武斷鄉曲所作文字不許妄行刊刻違者聽提調治罪

附學田租額

成四都淹塘租二十八石稅米一石六斗零三合七勺  
純八都大車排租二十四石稅米一石

縣坊沙田埔租一十二石稅米五斗五升

純八都三角塘租二十四石稅米一石二斗因沙埋香

減租四石每年折錢二十千文

縣坊新村租一十六石征米一石文昌誕租

成四都老鴉塘租一石 縣坊茶葉租九石

純八都東義灣租二石 豐三下都仔塘租一石

附錄知縣鄒伯貞學田記嘉靖乙巳春鄒子補官石邑

首詢學校之舉廢人才之盛衰則知學已三遷而人才

之出自科目寥落若是何也聞之永樂宣德時楊翰苑

李部署先後甲科中間鄉薦一科六人有六桂之號何

其盛也既而羣諸士於堂案季試之至再至三見其有

下筆千餘言若江河之流注無窮者有措詞立論若花

木之麓枝大葉生意勃然者有氣壯語整不蹈陳腐者

有用字用句步驟大家數而俊逸之氣溢於言表令人

讀之灑然者則又歎曰文場利器凡以是也顧弗利焉

者胡為其然哉細玩其中發明經義妙入肯綮使文不

害詞詞不害意者則槩其未也迺其天分有餘而人事

未盡者乎地之勝否無與也時分教劉子在座曰大都

文主理理到而文斯善學必講學講而理斯明理明文

善弗利於有志者鮮矣第翺翔藝苑深造自得非俯仰

無累其心志勢有弗可鄒子亟曰是吾責也吾其圖之

歲丙午民有黃新民陳岳彪以田訟於庭廉其均非已

業則謂之曰此等閒田徒為若等分爭累盡入租於學

養我子弟員乎咸曰唯命歲丁未客人趙三訟有詭名

考試

學校考試法凡童生入學由縣考錄冊送知府府以其錄

取者冊送學政學政擇其秀者入學曰附學生員武童

亦由縣府考送學政取進石城縣學歲科考額進文章

各八名歲考額進武童八名同治六年 恩廣永遠文

武學額各二名七年又加廣永遠文武學額各二名

凡生員歲科試最優者食餼曰廩膳生員次優者別於附

學曰增廣生員石城縣學廩生二十名增生二十名武

生歲試優等者錄送科舉如文生例但無科考不食餼

偽契將奪之田者願入官覈之果然前後田計四十三

畝計租八十六石坵段一座縣坊都廖村門前坵一座

豐三上都榕樹岡等坵佃付都民陳友餘黃新民吳洪

鑑租儲學倉諸生宿號舍肄業者均給之有志向上勤

學進修出類力不能自贍者倍給之

其偷惰頑鈍并自饒裕者不在給例

凡縣學貢士成均拔貢生十二年一舉由國子監疏請得旨下部行直省學政合歲科兩試優等生員考擇文行兼優者石城學額選拔一人學政合通省選拔貢生會督撫覆試文藝兼擇才品疏請貢入成均才不充選甯闕毋濫既赴部奏請 廷試考列一二等者簡選引 見候

旨錄用其有赴部後期者學政以事由咨報會國子監補考一二三等均送監肄業副貢生以鄉試取中副榜升入太學准作貢生歲貢生以廩膳生員食餼多年依次序貢入成均石城學額二歲貢一人 恩貢生遇覃恩之歲以本歲正貢作為 恩貢以需次待貢之生作為歲貢如縣學不值貢期歲應貢之年補行優貢生學政歲科試竣於教官所報優生中擇其尤者送部

考試准作貢生三年舉行一次大省舉報無過五六名

中省三四名小省一二名功貢生諸生有從軍者以功

升諸太學准作貢生上俱參會典學政全書學政冊檔冊

凡遇鄉試縣尹搭橋甬道設宴公堂應試諸生至奏樂宴

畢度橋簪花備道里卷資送至儀門外參會典張志

縣考決科每逢鄉試前期知縣在考棚試士子文藝光緒

二年知縣奎成撥錢一百千十一年知縣郭樹榕復捐

錢一百千合交賓興首事發商生息考決科時取息錢

七十二千為獎賞費參檔冊探訪

公款經費附

大賓興館在縣署左道光九年建時知縣王德茂倡捐集銀八千四百兩發當生息為賓興科費定議章程勒碑

館內以垂永久凡正科文武鄉試每人支路費銀一十五兩 恩科每人支路費銀八兩其正科文武會試舉人及 朝考拔優貢生每人支路費銀七十兩續議加七十兩共一百四十兩 恩科會試舉人支路費銀五十兩續議加五十兩共一百兩後因各當歇業將繳還之銀置受產業出息不敷正科鄉試每人支銀十兩

恩科每人支銀五兩惟會試朝考照舊支給士林德之

因祀王公主於館內王德茂碑敘石邑環山濱海距省會水陸千有餘里地土磽确鼓篋操觚之士類多窶貧無素蓄志切觀光而斧資莫逮大

比之歲赴者寥寥甚非 國家振興髦俊之意也余履任之初切切以學校人才為念所有修整書院籌裕膏火等務計日就緒惟賓興之費頗覺力短心長屢難建於一椽裘必成於眾腋爰與諸寅好各節廉俸為之首倡凡在境紳士好禮尚義者以次量力襄助獲有成數妥協經理觀縷章程泐名紀實垂諸無窮將見孤寒免向隅之情陬澁奮漸遠之轍人文蔚起鄉里榮施至盛

事也創始之舉於闔邑實厚埃焉

小賓興館在東台下文昌廟右同治八年建歷任知縣張

兆庚伊紹鑑奎成共勸捐集錢四萬一千八百七十四

千除建館費用及大賓興修聖宮借款外存錢三萬零

八百千發當生息為新進送學師印金之費每值歲科

試新進文武生縣府學一體每名由首事公送兩學師

印金費見並書斗隨封共銀三十六兩補廩出貢每名

送兩學師印金隨封各費共銀二十五兩一錢補增每

名送兩學師印金隨封各費共銀四圓錢二千文又文

武鄉試每人支銀五兩會試每人支銀五十兩以補大

賓興之不足將定議章程詳准勒石館內垂諸久遠學

師士子兩有裨益甚善舉也張兆庚碑敘科費之設匪特一邑也天下皆有之又

匪特鄉科也小試為尤急石邑自核平王前任倡捐賓  
 興三年大比多士幸有所資矣而新進印金之費闕如  
 仍未免有向隅之歎現查廣州各屬皆籌捐經費為新  
 進印金之需每名若干酌立定章每科由董事滙送免  
 致師生爭執不雅其例甚善項都人士進署面商欲仿  
 照章程籌捐是舉甚盛事也顧為數頗繁非萬餘緡不  
 可爰議發簿設法簽題俟捐有成數擇妥紳經理生積  
 永作此邦新進印金經費酌量貧富多寡之中定為一  
 成不易之數每科將三年出息由首事照送學師於新  
 進一無所問已有裨於多士不淺即為兩學師計每科  
 印金有收至數年未足者何如經費一定免多少催收  
 勞費也一舉而兼收其益較之大比賓興尤為亟不容  
 緩者杜工部詩云安得廣廈千萬間大庇天下寒士盡  
 歡顏斯即廣廈萬間之意也且多士得所培植益知奮  
 勉異日扶搖直上科第聯翩未必非此舉肇之願都人  
 士踴躍從事善始善終以垂諸久遠則多士幸甚合邑  
 幸甚予實有厚望焉 伊紹鑑碑敘甲子冬余來宰是  
 邦初下車慨然有振興文教之思於是議移文昌宮  
 於東台籌兩書院師課膏火次第舉行逮於丁卯春二  
 月卸篆去於鹿州本春回任則文昌宮已上棟下  
 宇駸駸乎功過半矣都人士復以議捐新進印金請余  
 聞而色喜乃進紳等於堂上而告之曰功名有定也境  
 遇無常也士人芸窗攻苦大率富者少而貧者多一旦  
 謁宮牆摘芹藻種需費唯學中印金為尤亟而為學

師者昔齒一盤亦藉以補俸入之不足每屆歲科試畫  
 結師若弟計較錙銖後來催收有屢屢做迄無清償者  
 甚非藝林雅觀也諸君建議及此所以嘉惠於後來者  
 何窮因為德惠其事發印簿若干交該董事等勸捐其  
 各盡乃心量乃力以告成乃功夫築橋梁新廟宇鄉黨  
 自好者類為之今茲之舉探囊不過一時而即為子孫  
 入泮計且為他人子孫世世入泮者計是何如盛德事  
 有志者不樂為耶况於此而進三載賓興卷貲有藉  
 北上海車有費行見科甲聯芳簪纓美胥於是卜之  
 耳余故就張序所未及者推廣言之以為濂江諸君子  
 勸謹序 奎成碑序事惟艱於創始非誘掖則議尚游  
 移功或隳於垂成有董勸而行乃踴躍石城民有古風  
 士鮮恒產凡新進寒儒每以籌辦印金為苦歲丁卯皖  
 甯張曉江大尹權宰是邦邑紳會以此請擬仿廣屬公  
 捐經費例踵而行之俾學師貧士兩有裨益張公深躋  
 其議爰發簿勸捐未及集事而解篆成辰春間汀伊  
 曉潭明府復任首與寅寮倡捐並從諸紳酌增條款徧  
 為示諭事期必行惟是平地為山工夫匪易幾若道旁  
 築室議論從多解囊則眾志躊躇集腋而人懷觀望雖  
 有捐助迄未舉行及余於辛未二月奉檄來臨接見諸  
 紳詢以地方利弊與夫興革事宜有以此為言者余曰  
 此盛事也惡可緩因力為勉勵而德惠之各紳民因而  
 益奮慷慨題捐閱月而數成鉅款發商生積並詳請大  
 憲批准勒石以垂久遠而其事遂行諸紳並擬立祠供

奉捐紳之先代神牌以垂不朽惟艱於度地頗費經營  
適衙齋之東偏有舊倉房遺址頽廢多年與諸紳所受  
李家屋地相連因集紳同往履勘規畫形勢正應縣治  
之東台山毓秀鍾靈於斯為吉遂許另籌倉房增此以  
廓祠地眾咸喜慰余為之得請於上臺從而卜築焉落  
成之日紳耆畢集會撰額楹聯以贈愈覺歡欣鼓舞  
嗣來問序於余自維弗學深愧不文卻之非余之力為辭  
議於諸紳得張伊二公誘掖而贊成之非余之力為辭  
諸紳復以終之激勵歸美於余必求片羽以為真珉光  
古有云莫為之後雖盛弗傳余固不敢以自居然感諸  
紳之周全新進並斯民好善樂施之美意且念承乏是  
邑董勸以成其美者守土之責也余又何敢辭因勉從  
所請聊序其事之巔末以誌前宰官嘉惠於  
不忘而祝都人士科名於弗替云爾是為序

松明書院舊址在甯十三都零綠地方詳見康熙五十年

知縣孫繩祖遷於縣治東隅邑人原任建安知縣黃衮

丈零六尺闊三丈五寸又捐西院地基長六丈九尺闊  
二丈一尺五寸生員文啟茲捐西院出後路地基長六  
丈九尺闊三丈五寸又捐西院地基長六丈九尺闊  
九尺四寸建正院三進前棟三間松明書院額曰中棟為正

堂額曰照後為高閣額曰流閣上設蘇文忠公主閣下

房三間其西院後築書室二間前作厨房又用價銀十

兩買受歐君陵臨街西首瓦屋三間以居典守之人其

正院頭門外築屏牆規模大備喻志 孫繩祖記蘇文

其玩物似東方朔其文章似李青蓮其愛民似僑大夫  
其忠君愛國勤懇於章奏之間似陸敬輿百世而下孰  
不聞風興起石城舊有松明書院志稱先生由瓊移廉  
道經此地見晴濤浩淼蒼虬蟠結喜而流連因賦夜燒  
松明火一詩其後重先生名者遂構書院於斯而奉為  
俎豆焉儼然與鵝湖陽明爭勝矣迨元末院廢歷今四  
百餘年興復無聞毋乃僻在海隅風聲氣類未由相感  
歟予奉乏是邑且十年矣夙興夜寐志圖鼎新竊意舊  
址遠在山陬無益觀感乃卜築城內東隅鳩工於辛卯  
季夏告成於仲冬以厭眾心垂久之靈以志一邑之勝甚盛  
事也夫事不足以厭眾心垂久之靈以志一邑之勝甚盛  
復古制眾謀僉同恍起先生於今日而聆其警發吾見  
師其文可以翼典誥師其忠可以遊戲大千無入而不自  
以保赤子師其玩物適情可以遊戲大千無入而不自  
得雖千百世可也登斯堂者其共勉之當不負余今日  
興建之意也以為記又題名記語有之三代以上  
惟恐好名非古也然有其實而不著其名後將並失其  
實觀夫宇內名勝創闢固難相與創闢尤難及其既成

類皆有穹碑崇碣記其姓字非標名也蓋欲使後之人  
顧瞻興感歷久而弗失其實也石城之有松明書院志  
稱蘇文忠公所建顧子案先生年譜論遷嶺南其於惠  
瓊最久卒未聞有創書院登堂論學事若石城特杖履  
偶經耳而謂於此特闢書院余未之信則意當日者石  
城多賢人哲士或感先生之風投轄盡歡相與流連論  
學於去也築書院講習歸美先生未可知也且先生所  
在皆有題記書院非細構乃至無文可考惟夜燒松明  
火一詩流傳海外豈真遺文散逸耶抑當時賢哲不欲  
垂名故湮沒不傳耶顧第深考惟是古今有不朽之  
勝蹟固傳於不朽之人尤傳於相與有成之人向使當  
日建院論學諸賢珥石記名則自元季迄今四百餘年  
墟名實斯亡則甚矣相與有成之姓名宜亟記也余自  
澁石城即訪松明故址窮二日之力始至其地惟見深  
箒彌望潮汐往還廢然久之欲就故址重修而人跡罕  
到乃計就近城卜地茫無定所經營十載節貲薄俸二  
百餘金會原建安尹黃君諱袁裳者慨然捐城內東隅  
基地而太學生曹諱信者慨然捐山植之材於是詹吉  
興工一時閭閻紳士里民歡欣鼓舞舞釀得金玖拾參兩  
肆錢鳩工於辛卯六月申中漸七日歷百有四百而工竣  
共計磚瓦匠役買增木植諸費通共銀三百二十八兩  
六錢有奇構正院凡三楹照面緣官街築屏牆以肅瞻  
眎其前楹左右耳房各一開中為戟門額曰松明書院

志復古也中楹為大堂額曰照紅以先生松明詩有照  
室紅龍鸞句也後楹建高閣奉先生主並列松明詩於  
上額曰流韻嘉先生流風餘韻未衰也閣之下分間為  
三遇高軒至止以永朝夕猶先生當日於焉稅駕也正  
院西有隙地後為書室前作厨房虛其中以植花卉統  
名曰西院又於西院前置屋三間以居典守之人而書  
院規模始備焉落成之日乃率紳士里民奉先生主入  
院而酌之曰諸君子相與有成矣行將勤以嘉名而時  
各避席遜謝者再予曰雖然名之不存漸且失實書院往  
惟恐好名之流亞也雖然名之不存漸且失實書院往  
事不可鑿乎且君子疾沒世而名不稱是役也諸君子  
之稱名也繼自今書院曰新又新松明名不朽諸君子  
附蘇公名不朽矣烏可以弗記於是欣然還席各浮太  
白而去予因得次第其姓名並進言而後聖人之道明聖  
記德行文章政事言語四科並進而後聖人之道明聖  
人之道行若但言德行而語政事言語四科並進而後聖  
其將何以備國家之用此三代以下言聖學皆昏愚莫知  
章除事功拒語言聖學於此是為之蔽塞矣因周程張朱  
而輕韓范歐蘇誠未見其可也粵東石城縣有松明書  
院乃蘇文忠公過化之地而存其神者今石城賢侯孫  
公念先賢而啟後學必欲修理其堂以教化學者文章  
至蘇文忠公可謂至矣政事至於蘇文忠公可謂至矣  
語言至於蘇文忠公可謂至矣政事至於蘇文忠公可謂  
進人才扶掖士習愛恤民生周濟窮困此之謂真德真



行豈閉目冥坐者而謂之德行哉公當宋時來居於粵由惠而瓊而廉開闢險阻其次石城也茅店雞鳴松燈照讀即其地而建書院雖畫棟朱牕久委荒榛而書聲猶影燈光履跡常若在焉子聞孫公至重蘇公每手其詩文不釋是重其言必重其人重其人必重其地今舉書院而一新之復其祀留其像表其文彰其德則蘇公之德行在茲語言在茲政事在茲文學在茲儼若蘇公至今在矣朱子云蘇氏之學若登朝大用其害甚於王荆公是說也吾不謂其然也荆公剛愎自用不容一人蘇公恢廓大度每愛羣公即其忠厚論謂仁可過也義不可過也豈有當仁者而謂之害哉且蘇公有申韓之恨謂申韓刑名之說行屈死生靈不知其幾夫亦可以知公之心矣孫公亦欲尊吾孔孟之學而不肯為申韓之法者宜其尚友千古而至重蘇公也石城諸君子念蘇公過化相助為理每歲時祀享於文忠又舉文會學諭羅顯記松明書院者為宋學士東坡蘇公所建也公歸自詹耳道經石城築數椽讀書旅况蕭然燈火不給爰伐松取膏然以繼晷而榜其門曰松明書院其中若有取義焉厥後南人呼松之有脂處為松明蓋本於此夫坡公去今五六百年古院久廢陵谷遷易曷足深怪所恃松明之號載在簡策雖邱墟隴畝而過客猶駐足憑眺低徊留之不能去豈非地以人傳之故歟我堂尊孫侯清白吏後人也受命神武出宰茲土蒞事十

年利盡興弊盡革農桑學校釐然具舉所在名勝古蹟無不修復惟松明故址尚在榛莽蒙茸中緣與縣治相隔憑弔者罕至於惻然興懷卜地郭內東隅較舊址益深廣消吉捐俸鳩工時顯濫竿同城鐸長義當荷插從事適際賓興與同寮李君奉檄抵省會場事竣俶裝偕歸車過松明院猛見喲然而正者為堂噦然而冥者為寢巍然而高聳者為樓閣鄰鄰如鳥之垂翼者為旁室廊廡庵榭刻畫雕文窗列啟無不各極工緻牢密兩人不覺驚喜交集曰神哉君也不勞民不勸相不取資於公府數百年之陳迹踵事增華不日不月有如是之迅速耶束帶復命後因賀落成侯唱然謂顯與李君曰斯舉也匪徒侈遊觀供燕集也將以起前賢勵後學也振文教培風化胥是物也繼自今朝斯夕斯陶斯咏斯觀感砥礪於斯余與諸君子其無忘松明之義也可兩入唯而退達旦尋思求所謂松明之義粹未有得久之始悟曰吾知之矣松之勁節直而遂喬而不支歷風霜而不凋孕荅珞而不老登之廊廟為棟梁柱礎之器刻之為舟架之為梁棧有濟川利涉之功偶屈大材而小用則留堅忍之骨格盤錯之根節與夫膏腴洋溢之文章樹之兩階庭燎之具也秩乎山川柴望所需也其或不然假以添燈代為秉燭耀寸光於螢火之餘校尺籍於杖藜之照其光明洞達之性如故也一朝乘日月之精華應風雲而變化無非松明之所致者古之人用之黃離元吉韜之葑屋生光竊意坡公之所以流芳百世

者以此則吾侯之所以暫行道於百里者亦以此乎晨起以告侯侯曰旨哉斯言余且借諸君子共勉之矣因命書於石以為松明院記附錄孫繩祖文移其略云竊照松明書院為蘇長公講學處查舊址在郭外曠野遺跡幾湮本縣景仰先賢思引而近之結想十載始得邑署東偏隙地遂與紳士鼓舞落成退食之餘登樓拜謁山川雲物了然心目不可謂非一邑勝境也無如簿書鞅掌未暇分心綜理先經移明儒學司事復撥官租若干以備典守修葺今奉調遣征所有屋地契租穀數目並留院什物另檄捕巡知照外合就印識列單移交惟地當瓊廉孔道使客往來絡繹恐一經信宿便相沿成例嗣後除學憲暨親臨各上憲巡歷自應祇候駐劄此外自在貴縣為政務合車馬駐江干勿使寓人於我室以致毀傷薪木則此院庶幾可永矣 喻志

乾隆初假為行臺五十一年知縣周克達乃遷建於西關外文昌廟右上下兩進六間堂中祀蘇公並鄒公神位將文昌廟後堂房左右兩廊共屋二十四間改為齋舍內戶相通統為書院

重修 林星章記城西文昌廟與松明書院相倚廟之兩廡有學舍十餘間以為書院生童肄業之所制甚

善柰歷年久遠棟楹且圯謀小葺無濟也辛卯夏星章蒞任斯土入廟瞻拜周視殿廡怒然有不安於心者又思書院為養育人材之地星章忝任司牧欲維民風先振士氣而欲使士子之久而於其地耳濡目染以端所向而勵其才因之四民咸識禮教而罔或敢違政令者則必以勸學育才為首務而文昌廟與松明書院之重建誠不可一日緩也時韓教諭煥彝司鐸於茲慨然以為己任集邑紳士而議行之僉曰唯命星章因與儒學巡檢典史各官捐廉為倡邑人士踴躍輸助得二千金有奇乃命匠人因其基址做其舊制而恢廓之伐木攻石材聚工良經始於壬辰十月迄癸巳三月告成石邑地瘠民貧風氣質樸斯舉也數閱月而歲事人不必盡紳士家不必盡饒裕其意皆若有捐輸恐後者嗚呼此足見神教之不著而邑人之篤學而好義亦於此可觀也已其始終籌畫力任其事者則韓教諭煥彝與紳士候選訓導江逢春歲貢生吳賢秀增生陳毓英附貢生嚴劉齡也工既竣乃同治六年徙文昌入城內東台下遂即廟址式廓增廣堂舍煥然移蘇鄒二公主於中堂又以前明知縣顏煌專祠久廢從眾議附祀龕中典史陳善慶撥出舊祀租八石交紳士管理歲折錢七千五

百文為香燈費

案此租田在江邊墟今由戶房征收歸入書院膏火 參檔冊採訪

篤志堂在仁義坊前舊為均義當因歇業欠餉道光間知

縣王德茂稟銷充為松明別院額曰篤志堂尋廢光緒

七年批與吳川陳姓業當每年歸租錢一百七十千文

充賓興公費

採訪

附松明書院經費

康熙五十二年知縣孫繩祖撥縣坊五甲陳敬通歸米一

十一石八斗租穀一百三十六石八斗八升除守院人

等口糧二十六石八斗八升尚存穀一百一十石每年

糶抵外餘穀貯作修院之資

雍正十一年知縣張恕撥歸租二十八石六斗三升土名

無考

乾隆六年署知縣李口因舞斷一件撥出丈溢租八十石

土名望樓後因上憲臨駐假書院為行臺院齋既失院

租亦沒孫張所撥田租由縣管李所撥田租由學管

三十八年知縣趙德謙審斷馬國明與邱國旺互控成七

都安鋪西圍下截海田租勘屬官荒歸入書院三十九

年知縣顏公煌之子培天來石各紳士乃以此租資顏

公祠費

嘉慶六年歲貢全恕等具呈請復書院原租署縣李湮撥

出散租九十二石九斗今批租九十六石九斗一升又撥出顏公祠

租九十石即西圍下截海田原有龍溪橋溝水六條灌溉今批錢一百八十千江竹溪耕遞年

戶房征收轉交首事支給膏火有碑監院內文見金石

九年署縣鮑春藻念院租微薄將羨餘官租撥出銀一百

兩倍增脩火勒石院內文見金石

十一年教諭謝承恩撥出土名望樓租八十石張志載首  
事蕭楷批佃加租一百五十六石今批錢九十千文陳文

山承批

道光十三年知縣林星章勸監生張兆鳳撥出老虎角田

一契並老虎角村場屋宇山松池塘埤圳俱歸入書院膏火今批錢七十

千文謝芝德承耕

又卜得安將轉當李義記石嶺大街瓦鋪一座二進撥歸

書院李文瑞承批錢三千文

同治四年知縣伊紹鑑稟准將安鋪元白茶規錢充書院

師課膏火定議章程勒碑院內文見金石今由安鋪首事領

收每年有閏解繳錢二百千無閏繳錢一百八十千內

將二十千為祭蘇公之費

六年知縣張兆庚審斷鍾其明魚梁埠租六石充為書院

膏火羅雲章承耕

八年鍾韓氏撥出瓦瑤垠尾魚埠左右官荒地租一石五

斗歸入書院鍾火養承耕

十年知縣王寶銘審斷羅淮漢等嘗租一十五石二斗土

名蘇州垌征米一斗二升八合歸入書院羅名琛承耕

案松明書院田租尚有數款檔冊無可稽核今將戶

房遞年征收穀錢及支銷數目開列於左以俟後考

戶房遞年征收額租錢數開列	西圍江竹溪租錢一
百八十千文	望樓陳文山租錢九千文
謝芝德租錢七十千文	江邊村林永章租錢七千五
李文瑞屋租錢三千文	散額租共一百一十
九石六斗一升	算伸錢一百五十五千四百九十三
文	共租錢五百零五千九百九十二文
	遞年應支

各款開列 掌教薪水錢百千文 齋長薪水錢二十  
 千文 正課生員十名八課共膏火錢八十千文 副  
 課生員五名八課膏火錢二十千文 正課童生二十  
 名八課共膏火錢一百二十八千文 副課童生十名  
 八課共膏火錢三十二千文 賦六課膏火錢二十五  
 千四百三十四文 看守書院廟祝錢一十千零六百  
 文 禮房繕榜錢四千八百文 戶房紙張人工錢九  
 千六百文 完糧米三石二斗三升溢銀一錢三分五  
 釐 廣銀五錢四分 釐該錢約二十千 貼羅名珠完  
 糧錢一千文 共應支錢四百五十一千四百四十文

同文書院在安鋪墟道光七年知縣王德茂合紳士捐建

除用工料銀一千九百兩尚存捐集銀一千一百兩發

商生息以資修火內並祀司祚之神以籲景福焉

書院之在鄉與在城一也其在鄉者去官司稍遠考課  
 之常法修葺之瑣務不得親為督理往往玩弛頽墮至  
 於蕩滅無存而莫可止石邑松明書院舊在十一都為  
 宋蘇公軾故蹟淪廢數百年轉遷縣治西關狹隘闕寂  
 區區在城者猶在鄉之淪廢也泊余詳定學規增置名  
 額復因質肆舊址改添別院日程月課生童歲聚數百  
 人山城之書院乃視各郡屬為獨著蓋荒僻之壤久沐  
 湛恩醲化人士咸有開新嚮盛之機一旦鼓其心思

所欲習發其耳目所未經聚業同途改觀故為易易是  
 教學長善之事誠不宜限乎方隅耳余嘗慨然以為兩  
 書院就學多附城子弟鄉曲之遼絕者或不能偏至議  
 於四境之內戶口輻輳之處考復社學古制而時俗惑  
 溺深固非興無益之梵宇則崇不經之神祠與之言立  
 公塾惠士林鮮有應者安鋪距城百里風氣淳物二三  
 傑出之士尚義而有為喻於此意捐建同文書院次第  
 籌置修脯膏火備於案牘自丁亥迄己丑而克蕝厥事  
 余故樂為記之將俾一鄉之書院為四鄉倡首且告後  
 之而並收興學育才之效則善矣 敬承諭記地方之  
 風氣視學校為轉移羅州自有松明書院之設百餘年  
 來人文蔚起科第不絕駸駸盛矣而安鋪古鎮尤為石  
 邑都會其間士食舊德農服先疇非不戶誦家絃而登  
 科名者無幾以講學之無其地也丁亥春子篆斯土數  
 數過之茂才黃生綵綱嚴劉生齡何生漢光陳生恭賢  
 等以官道旁官曠地可以倡捐修造請予聞而大嘉賞  
 之即行親詣勘明催令該生並首事等勉力募捐不數  
 月紳耆民商樂於從善得金若干兩現在擇吉興工冬  
 臘可以草創經營大半而好善續捐者仍接踵不絕猗  
 歟休哉有志竟成廉江之文運開於此安鋪之風俗淳  
 於此士庶之休養生息盡基於此予忝在守土坐觀厥  
 成光莫大焉 同治三年監生嚴劉璠捐出安鋪西溝魚  
 是以為序

街橋旁上下舖屋二間租錢一十二千文以廣香燈膏

火之費冊四年知縣伊紹鑑稟准將安鋪元白茶規錢

充作膏火有碑見光緒七年重修訪

文中書院在縣西北五十里石岡嶂光緒七年創建現存

錢三千貫發當生息以為遞年師生束修膏火之費冊

蓬山書院在塘蓬村光緒九年創建上

本城義學舊在西關外乾隆癸未年知縣蔣耀宗建張

治十二年知縣奎成移於城內文昌廟左並稟准遞年

將官租銀六十兩為延師修金冊

安鋪義學在同文書院左每年延師掌教修火錢八十千

文

洞坪村義學同治六年武生羅應芳合族捐設撥祖嘗租

一百石為遞年束修膏火費訪

案郝通志張志並載有社學其與今採訪不符者別

於古蹟詳之蓋彼溯已廢此舉見存例各有當也

縣考棚在西台下城西街武生林中道光九年知縣王

德茂合紳士倡捐創建王德茂新建試場碑記余宰石

闔邑文童千七百餘人局署舉行試事署內規模狹隘

時則肩踵排擠席硯搶攘復值海邦豐歲日有甚雨霽

衣溼卷艱迫不可名狀余愀然憫之無如何也試事既

畢因與諸紳士有肇建試場之議以款項地基兩俱乏

誦粹莫能就十月之初旋自吳陽聞調去之信亟集紳

士熟籌得城內林姓隙地購湊成方眾情翕動當即捐

借廉俸擇數能事者督工起造速庚寅二月工竣四月

科試舉行諸童魚貫雁行安就號舍免艱迫之狀罄抽

騁之力余欣然喜之謂諸君歲事克敏而石人士去窘

適暇一變倉野之習彬彬鄰魯指顧可期矣完試之日

奉檄趨赴歸善勿遽就道未及籌悉善後修理事宜余

又歉然慮之為記巔末以俟後之君子是役也計建坐

舍二千二百號用銀三千五百十六兩創首規畫者戴孝

廉尙禮始終專理者何茂才漢光郭千總紹揚李上舍

與國也並書之不沒其勞勤焉 檔冊

經政志 下

戶口 明以前不載

楊學英 分纂  
賴炳元 兼纂

明

洪武十四年編戶二千六百七十五口四千零五十一天  
 順間屢遭巨寇殘破戶口無定至嘉靖間知縣韓鎮議  
 定十一里戶一千五百一十二口一千九百九十嘉靖  
 二十七年楊文通等復業共戶一千五百五十九口二  
 千一百二十五萬歷間清丈後乃定實戶二千一百七  
 十六口五千二百五十七張志

國朝

康熙元年丁口五千二百五十七內幼丁灶丁八百二十  
 二又新增男婦三百五十丁口

五十年原額男婦丁口五千二百五十七內除幼丁灶丁八百二十二

丁例不派徭差鹽鈔等銀連新增男婦三百五十丁共編四千七百

八十五丁口內男子成丁三千四百九十五丁於遵

旨復粵東邊界案內遷移未復人丁三丁八分九釐實編男

丁三千四百九十一丁一分一釐婦女一千二百七十

七丁新增一十三口實編婦女一千二百九十口內有

優免男丁八百三十三丁四分每丁止派鹽鈔銀一分

三釐五毫二絲一忽無優免男丁二千六百五十七丁

每丁派徭差民壯均平鹽鈔共銀三錢五分八釐二毫

二絲九忽婦女一千二百九十口每口派鹽鈔銀一分

三釐五毫二絲一忽共編銀九百八十兩零七錢七分

九釐閩加銀四十九兩八錢六分三釐

五十二年欽奉

恩詔盛世滋生永不加賦

雍正四年

命天下州縣丁口俱派入畝米均勻俵徵

乾隆元年編審至三十六年止滋生人丁共五百九十二

丁欽奉

恩詔永不加賦通計男婦共五千三百七十七丁以上係照

往制五年一屆編審丁口數目三十七年奉行停止編審

五年奉行每年造報民數實冊至嘉慶二十四年冊報通

縣民戶一萬七千七百三十一戶丁口一十三萬八千

九百一十一內男丁七萬四千七百七十六女口六萬

四千一百三十五俱同上



嘉慶二十四年冊報通縣民數至光緒十三年奉行編查  
通縣民數實冊一萬七千六百三十二戶丁口一十六  
萬四千九百五十五內男丁九萬三千五百三十二女  
口七萬一千四百二十三冊

案盛世滋生永不加賦我

聖朝丁口派入畝米厚澤深仁法良意美萬古為昭食毛踐  
土之倫熙熙皞皞奕世共遊昇平之宇矣今閱舊志論  
一曰石之丁口分派於糧是以當多事之秋不聞有無  
糧白丁之嘆又曰石邑編丁歸併於賦而賦不浮於田  
善夫石民之幸也前明知縣何夢騮論之詳矣其略曰  
予志賦於石而得一善法焉編丁是也凡民初生為黃  
四歲為小七八歲為童至十五而筋力可任矣小司徒

登萬民於版辨其貴賤老弱存亡而上下其籍無常數  
也今制成丁若干不成丁若干傳在版者蓋不可易故  
民間有丁去糧存之累至今鄰封猶踵敝轍獨石當事  
諸賢計丁糧多寡之額而折衷之每糧三石派納一丁  
多至百十少至升合悉準以為例而逃亡影射之弊頓  
爾一清然不特此也凡大役動眾有均平不能敷者勢  
不得不借力於里甲如交黎之兵千里轉餽曩事第以  
都分均之糧少者向隅矣甲寅歲瓊米之運悉令照丁  
糧起役民無不均之苦補偏救弊或亦少有當乎吾三  
復此論為吾昔日之石民慶也又嘆夫昔之宰斯土者  
何多君子也敬錄之以告後之賢者張志

附載山獠久編為民列入戶口今仍舊志錄之以存其名

本縣所招徠有二東山之徠為石塘村二十名黎竹村十八名

章傘村十六名江口木頭塘村二十名石龍村二十名文洪村十五名

山塘村十一名白石村十一名平田村十二名下山村十一名

凡十甲 西山之徠為河潭村三十名盧村四十名楊金

村二十名香山村二十名茅垌村油麻村共七名坡頭村五名

枕頭山村三十名大山村三十名那李坡村三十名獨埠村四十名

豐九箔村五十名凡十一甲其技則強弩藥箭其業則

田獵今多耕種其守則城池每年十月撥守二月休息其約束則撫徠東西

案徠乃古槃瓠苗裔聚居豁峒蔓衍日繁明景泰間屢

叛屢撫至孔公鏞乃免差役立約束以聽征調無非馴

其彝性而已我朝昇平日久徠民被化鑿井耕田與

民無異故孫志云石之有徠特其名耳自徠帖服日漸

月摩非轉移之微權哉張志

賦役明以前不載

明 洪武十四年冊載官民田稅二千一百一十七頃六十八

畝天順間屢遭寇賊巨寇胡公威殘破糧稅增耗無定至嘉

靖間知縣韓鎮議定十一里官民米六千一百零四石

嘉靖二十七年知縣鄒伯貞清出隱糧米一千七百五

十三石一斗七升四勺二抄官民共米七千八百五十

七石一斗七升四勺二抄萬厯間清丈後定官民田地

塘箔陞科共稅二千六百六十五頃一十五畝六分九

釐六毫六絲五忽七微二釐四沙每畝中則科派三升二合

五勺四抄入撮四圭共正耗米八千六百七十四石六斗五升九合三勺二抄二撮零六粟六粒官米一千三百二十八石六斗八升七合三勺二抄六撮六圭九粟五粒民米七千三百四十五石九斗七升一合九勺九抄五撮三圭六粟三粒內辦鹽灶米三百九十三石五斗八升三合一勺又農桑米八石並外額漁課米一百六十一石八斗九升四合張志

國朝

順治十二年於清丈久奉等事委府學潘經勘荒蕪田稅二百二十九頃七十六畝二分一釐五毫

康熙元年插邊界外田稅二百五十三頃三十七畝二分八釐四毫又遷漁課米一百六十一石八斗九升四合康熙二年續插邊界田稅五頃八十三畝四分五釐九毫

總共荒蕪並原續遷移田稅四百八十八頃九十六畝九分五釐八毫計官民米一千五百九十一石五斗一升六合七勺四抄七撮七圭六粟七粒並遷漁課共減米一千七百五十三石四斗一升零七勺

康熙七年展界清查荒遷各年里民墾復田稅一百二十二頃九十畝零七分三釐零三絲九忽二微八釐並復漁課原額

康熙十三十七十八各年里民墾復田稅六十三頃二十六畝八分五釐七毫七絲八忽

康熙二十二年至五十年里民墾復荒遷田稅四十六頃三十六畝四分七釐三毫五絲八忽五微六釐三沙康熙五十七年至乾隆九年節年招墾復田稅二百四十

二頃七十九畝八分二釐俱同上

乾隆二年奉行除銷原報遷荒難復田稅壹拾三頃陸拾

三畝零七釐貳毫冊

本縣實在原額田地塘江沙箔稅共貳千六百伍拾壹

頃伍拾貳畝陸分壹釐柒毫貳絲五忽每畝編征糧餉地丁胖襖衣裝

溢價水脚等項銀三分貳釐叁毫八絲柒忽叁微玖分

八沙遇閏加銀壹釐零捌絲壹忽壹微壹沙五塵征本色米玖合二勺捌抄叁撮遇閏加米四勺

另項起徵

康熙元年額外陞科田稅二十一頃二十七畝玖分叁釐

玖毫陸絲三忽科米與上原額稅則一例每畝編征糧餉銀貳分貳

釐捌毫六絲又征匠價水脚銀壹毫叁絲壹忽遇閏加銀壹忽陸微叁分七沙 參張志檔冊

雍正十年至乾隆五十七年報墾溢墾山場陞科稅共三

百零四頃六十畝零四分三釐六毫不征米共征銀四

百八十一兩六錢四分六釐五毫向不加閏各項征銀亦不一律 張志

道光四年報墾水田陞科稅陸頃叁拾畝零伍分照斥鹵

例征銀貳兩九錢二分六釐黃府志

總計中則田地塘江沙箔及溢墾山場水田共稅貳千

九百八十三頃七十一畝四分九釐內田稅二千六百

畝四分四釐四毫地稅三十七頃八十八畝三分零壹

毫塘稅八頃六十九畝七分五釐九毫江稅九畝三分

沙箔稅壹十三畝七分五釐溢墾山場稅三百零四頃

六十畝零四分三釐六毫水田稅陸頃三十畝零五分

科派米八千六百玖拾玖石伍斗伍升四合四勺每米

一石無閏征銀玖錢玖分叁釐征色米二斗三升四合

折米四升九合有閏征銀壹兩零貳分伍釐八毫征色

米二斗四升八合六勺折米四升九合零三抄參張志

內計

官租稅縣坊豐一豐二豐三成四成七純八純十甯十一  
 九都內共田一百七十六頃一十二畝一分五釐九毫  
 派米五百七十三石二斗四升七合六勺額征銀伍百  
 六十九兩零九分五釐征色米一百三十四石一斗零  
 四合五勺折米二十八石一斗二升四合八勺遞年征收除納  
 條銀色米外羨餘穀石變價解司乾隆又官納城隍  
 十九年奉行撥解海安營兵米檔冊廟米五石九斗六升五合八勺實征銀五兩五錢四分  
 六釐征色米一石三斗九升六合折米二斗九升六合

項數列入民稅內 檔冊

民業稅通縣十一都田地塘江沙箔溢壙山場水田共二  
 千八百零七頃五十九畝三分二釐一毫派米八千一

百二十石零三升四合一勺額征銀八千零六十二兩  
 二錢六分九釐二毫征色米一千八百九十九石五斗  
 七升八合折米三百九十八石零六升二合農桑征米 壙山場水田 銀在內 溢

壙山場水田 銀在內 溢 另見下篇 檔冊

官民合共科正耗米八千六百九十九石五斗五升四合  
 四勺又原額農桑米八石內四石征本色 四石派入民米實共米八千  
 七百零三石五斗五升四合四勺內官米每石派糧料 銀二錢六分一釐二  
 毫一絲八忽民米每石縣坊豐一豐二豐三上豐三下  
 成四六都派糧料四差銀五錢八分六釐成七純八純  
 十甯十一十三五都派糧料四差銀七錢八分二釐一  
 毫七絲三忽又派鹽灶米每石減編派科銀三錢零七  
 釐九毫六絲三忽又一項地畝餉以通縣田地塘江沙  
 箔照萬歷四年例每畝派銀七釐零三絲零八微三僉  
 一沙每兩帶征照例起徵以及丁口物料溢價胖襖雕  
 水腳一分五釐漆衣裝南工匠價水腳等銀俱均勻派編

徵銀八千六百三十六兩九錢一分零二毫遇閏加征數詳見下

徵本色米二千零三十五石零七升八合五勺遇閏加征數詳見下

又折價米四百二十六石四斗八升二合八勺向不

又一項陞科溢墾山場水田稅徵銀四百八十四兩五錢

七分二釐五毫參黃府志張志檔冊

又一項漁課米一百六十一石八斗九升四合每石派課料銀五分

征銀七十四兩一錢五分八釐五毫舊志載本縣額

辦漁課正米八百六十二石零四升零八勺帶辦本色

魚油五百七十八觔九兩四錢五分魚鰾二十八觔四

兩三錢六分又翎毛九千六百根白苧麻一千五百五

十六觔一十五兩六錢今無征米七百石零零一斗四

升六合八勺成化時知縣陳綱詳減外實征米一百六

十一石八斗九升四合有閏加派米一十二石內計漁

課派征銀并水腳銀共五十一兩五錢零六釐五毫七絲六忽一微有閏加徵銀三兩九錢八分水腳銀三分七釐八毫魚油料派征銀并水腳銀共二十二兩六錢五分二釐三絲七忽一微一釐有閏加征銀一兩四錢五分水腳銀四錢二分五釐張志

案舊志云漁之有課自蛋戶始以邊海多魚利故也

明萬曆九年蛋叛勦絕而課有常供時知縣佴夢騮

以箔代課稅以五十一處之埠均派額銀議詳准行

至今沿之

以上通計官民農桑漁課共米八千八百六十五石四

斗四升八合四勺派征銀八千七百一十一兩零六分

八釐五毫又遞年報墾陞科溢墾山場水田稅徵銀四百八十

四兩五錢七分二釐五毫總共銀九千一百九十五兩

六錢四分一釐二毫內除全書開載優免人丁銀二百

八十七兩二錢七分九釐六毫甯十一十三兩都減編

鹽米銀一百八十六兩六錢四分零陸毫實徵銀八千

七百二十一兩七錢二分一釐內起運銀六千八百六

存留銀一千八百六十遇閏加征銀二百七十兩零零

九分八釐內起運銀一百四十九兩九錢二分一釐帶

征火耗銀一千四百七十三兩九錢七分一釐內解藩

千三百五十三兩九錢七分一釐遇閏加徵銀四十五

兩六錢四分七釐俱解藩庫徵本色米二千零三十五石零

七升八合五勺遇閏加徵米一百二十七石七斗四升

零五勺內撥支石城化州碭州各營兵米又折價米四

百二十六石四斗八升二合八勺內解高鎮海安各營

糧道庫充餉 檔冊

外賦

縣前地租銀六兩一錢張志 歸入起運項下

稅契額銀五十兩同上 並歸起運項下

案稅契一項遵奉明文通行凡置產入戶每價一兩

稅銀三分皆據各業戶持契赴縣投納填給布政司

契尾黏連原契鈐印執照稅銀布政司頒發字號印

信簿二本照契畝價數目登入簿內一本繳司查核

一本留縣存案遞年隨徵隨解赴布政司湊充兵餉

及貯備科場經費用惟向章書吏經手徵收洋銀繳

解每徵稅銀十兩另補紋銀水銀貳錢貳分四釐

通縣額征地丁正雜錢糧無閏徵銀八千七百七十七

兩八錢二分一釐起運銀六千九百一十六兩四錢五

分七釐存留銀一千八百六十一兩三錢六分四釐有  
閏徵銀九千零四十七兩九錢一分九釐起運銀七千  
零五十六兩六錢三分四釐存留銀一千九百九十一  
兩二錢八分五釐冊

附載

本縣學田二頃四十三畝六分原租銀三十四兩六錢二

分內除原報荒遷地起造神廟缺銀一十七兩八錢三分

徵銀一兩二錢實在學田連墾復共二頃四十三畝

實徵銀一十六兩七錢六分

本縣額設藉田四畝九分每歲應收穀一十七石五斗

收穀一十二石官墊補五石五斗 開銷案盛穀四斗籽種穀一石祭

先農祭品銀五兩雍正四年奉諭旨州縣守土官俱著行藉田禮部議照九卿藉田四畝

九分之例設立藉田建先農壇祭品銀兩在地丁項下  
動支雍正十二年奉行藉田穀石照出陳之法除本年  
新收外歷年舊穀儘數發售每石定價四錢五分糶售  
穀銀即存各州縣為祭先農用不復開銷錢糧俟五年  
後積穀復多仍前辦理乾隆三十四年復奉行應用祭  
品銀兩約計至下屆出糶之時為數若干扣存貯庫盈  
餘解司至每年所收藉田租穀缺額尚當續置補足同上

當戶每年每名納餉銀五兩冊

案當餉一項原無定額隨時開報向係由縣徵收批

解光緒六年奉文該當戶自行赴縣領文將餉銀解

赴布政司投兌以杜侵挪

起運款目

一解藩庫上下忙地丁銀壹千貳百捌拾壹兩捌錢壹分

五釐遇閏減解銀壹百五十一兩零四分壹釐

一解高廉欽道庫兵餉銀伍千陸百叁拾肆兩陸錢肆分



貳釐 遇閏加解銀貳百九十兩二錢二分同上

案張志起運內載賦役等項如解戶兵工各部並裁扣員役優免銀米本折物料溢價雕漆裝襖及兵餉廩糧貢生盤纏新舉人進士宴席旗匾知縣修宅薪蔬各官喂馬草料等銀俱歸起運項下但款目繁瑣今昔異宜難稽其詳謹依現時冊報登記

存留款目

一本縣知縣俸銀 原四十五兩除扣荒及勾實銀三十九兩一錢二分一釐奉裁充餉冊養廉銀六百兩 於雍正七年奉文在火耗項下解赴藩司署請領  
門子二人共工食銀一十二兩 內除小建銀二錢扣給禁卒銀一兩二錢又奉文扣減二成連庫平銀共二兩六錢二分九釐 實支銀七兩九錢七分一釐 遇閏

加銀一兩照上扣減

皂隸一十四名共工食銀八十四兩 內除小建銀一兩四錢扣給禁卒銀八兩四錢又奉文扣減二成連庫平銀共一十八兩四錢零二釐 實支銀五十五兩七錢九分八釐 遇閏加銀七兩照上扣減

馬快八名共工食銀四十八兩 內除小建銀八錢扣給禁卒銀四兩八錢又奉文扣減二成連庫平銀共一十兩零五錢一分五釐 實支銀三十一兩八錢八分五釐 遇閏加銀四兩照上扣減

民壯原五十名共工食銀三百兩 奉文裁汰二十名現撥府通判一十名現存二十名工食一百二十兩 內除扣給禁卒銀一十二兩又奉文扣減二成連庫平共銀二十六兩 實支銀八十一兩二錢一分六釐 遇閏加銀十兩照上扣減

燈夫四名共工食銀二十四兩 遇閏加銀二兩 全裁充餉

庫子四名共工食銀二十四兩內除小建銀四錢扣給實支銀一十五兩九錢四分二釐文扣減二成連庫平共銀五兩二錢五分八釐

斗級四名共工食銀二十四兩內除小建銀四錢扣給實支銀一十五兩九錢四分二釐文扣減二成連庫平銀共五兩二錢五分八釐

看監禁卒八名原工食銀四十八兩又門皂壯快庫子實支銀六十三兩四錢六分九釐每月增銀五分

轎傘扇夫七名共工食銀四十二兩內除小建銀七錢實支銀三十一兩零五分八釐連庫平銀共一十兩零二分二釐

件作二名共工食銀一十二兩內除小建銀二錢又奉實支銀八兩八錢七分四釐共二兩九錢二分六釐

鋪兵四十六名共工食銀二百七十六兩內除小建銀實支銀二百零四兩零九分奉文扣減二成連庫平銀共六十七兩三錢零七釐

五汛鄉勇三十五名內楊桃角汛十名藍靛汛十名烏共工食銀二百一十兩內除小建銀實支銀三十七兩五名俱係雍正十年添設

一教諭一員俸銀四十兩內除扣庫平實支銀三十七兩六錢  
一訓導一員俸銀四十兩內除扣庫平實支銀三十七兩六錢

六錢

齋夫三名共工食銀三十六兩內除小建銀六錢扣庫

實支銀三十三兩二錢七分六釐遇閏加銀三兩

門斗二名共工食銀一十四兩四錢內除小建銀二錢

實支銀一十三兩三錢一分七釐遇閏加銀一兩

廩生二十名共餼糧銀四十八兩原銀一百四十四兩

實支銀四十四兩陸錢五

膳夫二名共工食銀一十三兩三錢三分四釐內除小

實支銀一十二兩二錢一分五釐九毫

典史一員俸銀三十一兩五錢二分奉裁充餉冊

養廉銀六十兩於乾隆三年奉文在

門皂五名共工食銀三十兩內除小建銀五錢扣庫

實支銀二十七兩七錢三分

馬夫一名工食銀六兩內除小建銀一錢扣庫

實支銀五兩五錢四分六釐遇閏加銀五

零綠司巡檢一員俸銀三十一兩五錢二分奉裁充餉

冊養廉銀六十兩於乾隆三年奉文在

弓兵二名工食銀六兩內除小建銀一錢扣庫

實支銀五兩五錢四分六釐遇閏加銀五錢照上扣

一本道庫大使一員俸銀三十一兩五錢二分內除扣平

實支銀二十八兩六錢八分三釐

皂隸二名共工食銀一十二兩內除小建銀二錢扣實  
支銀壹十一兩零九分二釐兩遇閏加銀一

本府通判民壯十名係在縣民壯撥出共工食銀六十兩原銀  
上篇內除扣給禁卒銀六兩又奉文扣減二實支銀四

十兩零六錢零八釐遇閏加銀五兩照上扣  
本府司獄司一員俸銀三十一兩五錢二分奉裁充餉

皂隸二名共工食銀一十二兩遇閏加銀一兩全裁充餉

裁汰本縣曠缺官俸銀六十三兩零四分奉文充餉  
裁汰本縣曠缺役食銀二十四兩遇閏加銀二兩俱奉文充餉

均平歲辦  
時憲書原銀一兩除荒銀一錢零二釐實銀八錢九分八釐奉文充餉  
一拜進 表箋銀四錢四分九釐奉文充餉

迎春土牛芒神春鞭日食月食祈雨祈晴謝雷香燭祭  
品等項原銀七兩除荒銀七錢一分一釐實銀六兩二錢八分九釐奉

文充餉遞年由官捐辦  
無祀鬼神三祭原銀一十六兩三錢二分七釐實銀一

十四兩八錢零三釐奉文充餉遞年由官捐辦  
孤老口糧銀七十二兩原銀一十四兩四錢于一件推

鄉飲酒禮銀二兩九錢二分奉文充餉  
一拜牌習儀香燭原銀五錢除扣荒銀五分一釐實銀四錢四分九釐

山川社稷春秋二祭孟夏雩禮原銀二十兩零七錢五分  
實銀一十八兩五錢八分三釐

一文廟春秋二祭原銀五十六兩八錢三分七釐實銀五

十兩零九錢九分八釐

一武廟春秋二祭及 聖誕一祭 雍正六年奉行祭品銀一十五兩乾隆四年奉

行添銀二共銀四十兩

一文帝春秋二祭 嘉慶七年奉行定祭品銀二十六兩六錢六分七釐又增 聖誕

一祭 咸豐十年奉行定祭品銀一十三兩三錢二分三釐共銀四十兩 上俱縣册

以上除知縣捕巡養廉外原額存留銀壹千捌百陸拾

壹兩叁錢陸分四釐 遇閏加銀一百二十兩九錢二分一釐內節年裁汰

官俸役食曠缺祭祀並扣減平餘等銀陸百壹拾陸兩

肆錢貳分叁釐 遇閏加銀五十七兩五錢五分二釐二毫解司充餉實在留

支銀壹千貳百肆拾肆兩玖錢肆分壹釐 遇閏加銀七

六分八釐八毫

鹽課附

喻志邑歲辦大引鹽二千三十一引零一十五觔歲派鹽

鈔銀五十九兩九錢六分五釐有閏加銀四兩九錢九

分七釐明洪武初開官寨丹兜二場官後以課少併海

北提舉司給散工本徵解嗣又改併廉州府場官征辦

萬歷年間戶灶呈控院道在甯十一十三兩都自煎自

賣設艇一十四張以便挽運輸餉課銀一百八十兩三

錢一分零 張志

國朝

康熙元年遷海鹽田俱濱界外七年展界後以土商領之

仍歸廉州場征辦雍正初年設立委員為丹兜場屬高

廉鹽運分司乾隆八年裁高廉鹽運分司歸高州府管

理

本縣丹兜場委官一員駐下洋公署三進九間鹽倉十座

廢口五處下洋祿地南鹽田二百五十六坵池漏二百

五十六個灶二百五十六座穀倉二間貯接濟穀二百

二十八石五斗七升一合八勺每歲春閒案灶分給秋

成還倉今廢

額收熟鹽六千六百包內原額五十包雍正九年增鹽九百九十一包乾隆四十三年

復加額六百零九包灶價每包原額二錢六分四釐乾隆二十年奉行自正月至四月每包加給灶價一分乾隆四十二年奉行每包加價銀一

錢五分共給價銀四錢一分四釐

徵課銀七百七十兩零四錢三分八釐灶丁二百五十六丁每丁輪課

銀七錢零八釐共銀一百八十一兩三錢一分九釐又商人賣出帑鹽加增課銀五百八十九兩一錢一分九釐赴高州府完納場員領

回同丁課彙解赴運庫

場員額支飯食銀一百二十兩司總一名辛力銀三十

六兩司事四名工食銀七十二兩書辦一名工食銀一

十二兩差役門子水火夫共六名工食銀四十二兩二

錢巡丁十二名工食銀八十兩零四錢三分八釐四毫

以上銀同鹽價銀赴高州府庫領帑支發今撤

通縣食鹽戶口乾隆二十三年詳定自七口以上銷鹽

三觔五口以上銷鹽二觔三口以上銷鹽一觔案月分

別各鄉買銷喻志載本縣官吏隨住人口計口食鹽每

週歲食鹽六觔照戶口派折

鹽鈔銀兩征解 俱同上

引餉附

本縣埠商額徵餉引銀四十四兩九錢二分一釐原派人

民糧徵解康熙三十二年奉行接餉配引一百七十五

道九分六釐三十五年奉行將加鹽配引九十六道四

分九釐四十六年加增餘費銀一十六兩二錢二分七釐共額加引二百七十二道四分五釐

每引行鹽二百三十五觔每引細徵餉費銀三錢一分四釐八毫額徵餉銀八十五兩六絲一忽二微零八末零六塵

七錢八分二釐乾隆二十三年餘鹽改引八百二十道

零四分二釐額徵餉銀二百五十八兩三錢一分九釐

張志

通共本縣銷引一千零九十二道八分七釐共徵餉銀

三百四十四兩一錢一釐配正改引鹽一千七百一十

二包零十二觔又加配鹽二百五十七包零九觔每包

納價銀三錢共納鹽價銀五百九十兩零七錢六分二

釐

附載

廣西陸川埠原額改加鹽引共二千七百二十道零三

分三釐博白埠原額改加鹽引共一千八百六十四道

八分三釐二埠共引四千五百八十五道一分六釐赴

丹兜場配銷

俱同上

案丹兜場員場灶於乾隆五十五年奉行裁撤鹽額

攤入旺產之電茂博茂二場增補供配其餘各處廢

鹽不得侵越私賣又是年改埠歸綱所有原額課銀

並續加課銀七百七十兩零四錢三分七釐八毫並

歸局商代完嗣因該場下洋等廢鹹潮沙漬不能養

淡改稻編海窮丁餬口無資不免私行煎煮局商稟

請設法收買奉 憲批准議復委員到場收買配給

石城陸川博白三埠運銷旋於乾隆六十年議復回

丹兜場委蕭大使督辦丁課銀兩亦歸場員征解至  
 今尚未復實官署亦未建回現在場商俱是埠商石  
 城一埠每年額銷引目一千零九十二道八分七釐  
 零額徵餉銀三百四十四兩一錢遞年由埠商照數  
 自行解繳運憲埠商造冊報數照例造報引目引餉  
 奏銷冊籍申繳各憲至緝私要隘係在安鋪石角各  
 處向有埠商巡役堵緝仍由縣加差幹役會同營兵  
 緝拏私販以銷引目

張志  
檔冊

附雜徵

安鋪粵海關

一廠 征收船  
商貨物

縣治東門內

一廠 征收客商  
落地雜貨

縣南銅鼓逕

一廠 征收  
同上

謹案 會典開載闐闐旗亭日陳百物販夫販婦擔  
 負奇零皆無徵至小民日用所需擔負奇零之物皆  
 不在徵權之條又載凡商販穀米往被災地方發售  
 所在官司給照過關毋許羈留邑內向係海關及東  
 門內銅鼓逕三處設廠餘各墟市並無徵收邇來書  
 胥承轉流弊日深前知縣王德茂銳志詳請更裁因  
 去任急未及舉辦故賦古風一篇云國稅著常額府  
 胥承轉手水關或肅嚴陸市至紛糾廣輪百里中事  
 一局分九賦尙寬田毛稅胡計斧口微負蛾滯行雄  
 饜虎厲吼勢緣鞭莫及踞盤恣雜蹂我欲更舊程收  
 解酌薄厚於縣責實徵於府無虛負數定裁餘擾例  
 懸貞永守本管情易周近察時可久惜當去任迫申



請虞掣肘詩載嶺海存稿噫此事不濟亦石民之不幸也所望當道君子力籌善策以補救之

積儲

明洪武初令天下縣分立預備四倉官貯穀備賑擇本地

年高篤實人管理阮通志

永豐倉去縣治東四十餘步永樂九年建為廩一康熙五十五年於衙內東偏增建小倉為廩一張志

預備倉去永豐西五步宏治三年建為廩一久廢

察院義倉在縣廨右萬曆二十年建為廩二久廢

常平倉康熙二十五年知縣韓繆買謝鼎臣學宮西偏房屋三間并周圍餘地建廩二東西分二倉均曰永豐後改為常平倉

常平倉

案舊志云原建東西倉廩二十五間雍正十年添建三間乾隆四年添建十五間共廩四十三間東倉廩十九間

衙內三間西倉廩二十一間後因年久東倉廩自第一至第十二

間傾圮同治間經知縣敖詳報又第十三至第十七

間於同治七年大水傾圮經知縣伊詳報惟 學宮

西常平倉廩俱存

康熙二十九年

詔各省積穀置常平倉官員捐納紀監穀四千八百石張志

三十一年至三十七年官民捐積生息穀一千六百八十

四石二斗五升同上

五十五年奉行分儲穀四千石阮通志

乾隆四五六七等年生後捐監穀一萬零六百石張志

六年原參貯穀一千零五十七石六斗四升

十年買補平糶穀五千五百零九石

十年十一十二等年生俊捐監穀二千二百十石

以上奉行分儲穀四千石又節年捐儲穀一萬五千八

百六十石零八斗九升通計本縣額儲常平倉穀二萬

九千八百六十石零八斗九升

俱同上

案常平之利利在平糶歲凶告糶得數萬斛米以濟窮

簷利莫大焉邑倉貯不滿三萬石凶年平糶循存七糶

三之例糶穀不逾萬石嗷嗷數萬眾何以濟之今庫貯

折米銀一千有奇豐年穀賤申請易穀貯倉可得二千

餘石再請於府倉穀內分撥萬石以備賑糶此事之可

建白者竊嘗籌之而舟車轉運建置倉廩之費計何所

出姑識諸此以俟後圖

張志

社倉

附

雍正二年

詔行便民社倉知縣侯瑜及各鄉紳民捐穀三千六百石

張志

八年知縣鄒光任及紳民捐穀八百六十九石一斗六升

乾隆九年知縣王灝及紳民捐穀五百四十石

三十及三十七年出借社穀共收息穀四百二十石零五

斗六升六合

以上社倉共貯穀五千四百二十九石七斗二升六合

乾隆十九年奉文建立社倉知縣王振統議於每兩都適

中處所建立一倉縣坊青平銅鼓逕石嶺塘篷三合共

六處勸諭紳民各捐倉費穀二百八十二石變價銀一

百三十五兩三錢六分建青平銅鼓逕二倉嗣貢生林

璋兆捐倉費穀一百八十石各紳士續捐穀八十石變

價銀一百二十一兩九錢建石嶺塘篷三合三處惟縣坊一倉尙未及建後因五處倉朽壞各社正分貯各倉十九處俱同上

案社倉與常平異常平在官社倉在民常平遞年借支兵糈遇有事撥濟動用非專以資民食社穀則借諸民而已無他動支常平平糶非歲荒穀貴不得申請及得請而吏胥作奸囤販射利貧民不得實惠社穀則出借於社正副可歲一行之而里黨相親貧富易別斗斛無欺故社倉之法於民最便行之亦較易而社正副不得其人則侵蝕欺詐其弊較常平更難稽詰社正副篤寔者少汰而易之又難其人今查各鄉社穀因乾隆二一三年歲荒各社正副侵虧追歸官廩穀貴聽各鄉民

臨時公舉社正領借秋收催還有出納之責無典守之任此一時權宜變通之計後之君子另籌善策實力行之

張志

義倉附

光緒五年奉行著各州縣辦設義倉知縣鄒翼清捐廉百金爲首倡議邑紳江熙和陳炳章黃居中羅啟祥等十三人董事合紳商鄉民陸續捐錢陸續生息歷五年共得錢二萬貫有奇借永豐倉地修建義倉五廩糶入穀二千餘石除支外存錢發當生息十二年夏穀價騰貴將貯穀平糶並提回當商本息採買洋米在本城及太平店塘蓬石嶺青平安鋪良垌七處設廠平糶賑濟計支去腳費人工及買穀二千六百餘石還倉外尙存錢

貳萬零三百二十千初設時知縣鄒通詳立案聲明此係備荒起見民捐民辦存穀易霉存錢有息董事十三人各執簿一本遞年輪流值年管理收執各當揭單期定二月二十日會算逐年共存本息實錢登記簿內另總簿一本係值年總理收執章程印簿詳列冊檔

營制

縣舊有所明正統五年調雷州衛後千戶所全伍官軍守鎮時千戶二員百戶十員鎮撫一員吏目一員總小旗軍共計一千一百二十戶口至萬曆間削絕逃亡僅存十之二三其官廕襲其軍父子頂替不問老弱張志

國朝因之

順治九年設城守官兵二百名千總一員把總一員百總

三員以化吳石叅將領之康熙三年裁叅將改化石營守備四年實授其印有守備條記二十三年奉文題充更定營制汰千總一員把總一員兵一百名實經制化石營守備一員礮臺千總一員兵二百名馬二十四匹照戰三守七馬一步二之例分防城池礮臺俱同上

案舊志康熙二十三年以前其兵陸續抽撥及奉文除汰數目因康熙十四年六月城汛被逆蹂躪卷籍概遭毀失無從備著張志

雍正十年裁守備改設化石營都司一員駐劄石城縣城千總一員駐防化州左右哨把總二員外委三員內撥化州一員額外外委二員內撥化州一員俱歸高廉雷羅總鎮統轄

乾隆四十九年核定化石營都司管領化州汛千總本營  
把總外委馬步守兵四百九十名馬四十一匹嘉慶十  
六年裁汰戰馬六匹陽春營移撥來步兵二十二名守  
兵八十八名又奉文准在馬兵項內拔補額此外委二  
名二十年又裁汰戰馬六匹二十三年裁兵三名現存  
本營額兵連外委額此外委共五百九十七名內馬兵  
連外委額外二十九名步兵八十一名守兵連字識四  
百八十七名析防石城縣城及派撥各塘汛並分防化  
州各汛俱同上

道光十二年至同治八年陸續奉行裁汰馬戰兵十九名  
馬十九匹步兵三十三名守兵一百七十一名共裁汰  
馬步守兵二百二十三名尚存本營管轄馬戰兵五名  
步戰兵四十八名守兵三百二十一名共馬步守兵三  
百七十四名營冊

光緒四年知縣奎成都司陸朝安會銜稟請將藍靛汛外  
委把總一員調防石角堡潭伯汛  
八年都司余雄飛稟請高州鎮添設額此外委二員防守  
青平兩家灘二汛

十四年七月初一日奉文改化石營為石城營將化州汛  
千總一員外委一員額此外委一名步守兵九十二名  
撥歸高州鎮右營都司管領石城營都司一員左右哨  
把總二員外委二員額此外委一名添設額此外委二  
名現存馬步守兵二百八十二名內左哨步兵八名守  
兵七十五名共八十三名右哨馬兵五名步兵三十名

守兵一百六十四名共一百九十九名調歸北海鎮管

轄俱同

都司府署 見公署

把總署 見公署

演武廳 在南門外較場即百花亭

軍裝局 在都司東轅門外

火藥局 在縣左

較場 在南門外俱張志

左哨安鋪汛靖江臺在本營西南九十里分防把總一員

防守兵五十九名 內派七塘十汛大礮五位 營冊

龍頭沙礮臺在本營西南百五十里分防外委把總一員

防守兵二十四名

青平汛在本營西百一十里添設分防額外外委一名撥

巡防兵四名 俱同上

樟村塘 兵一名 那賀塘 兵一名 沙剗塘 兵一名

烟墩塘 兵一名 青平塘 兵一名 高橋塘 兵一名

石頭岡塘 兵一名

龍灣汛 兵一名 堡下汛 兵一名 青平汛 兵四名

金花汛 兵一名 橫山汛 兵一名 晒穀嶺汛 兵一名

鹿仔坑汛 兵一名 白泥田汛 兵一名 馬蹄塘汛 兵一名

楊桃角汛 兵二名

以上七塘十汛俱左哨管領 營冊

右哨把總一員額外外委一名駐防石城縣城專管城門

軍火二局存防馬步守兵一百九十九名 內派七塘十汛 營冊

石角堡潭伯汛在本營東北九十里分防外委把總一員  
撥防守兵十名

兩家灘汛在本營南五十里添設分防額外委一名撥  
巡防兵三名俱同上

那良塘兵一名 白藤塘兵一名 分界塘兵一名

龍村塘兵一名 老鴉塘兵一名 下山塘兵一名

青陰塘兵一名

山口汛兵一名 兩家灘汛兵三名 坡頭汛兵一名

茅垌汛兵一名 分流汛兵一名 銅鼓汛兵一名

波蘿根汛兵一名 潭伯汛兵十名 烏石汛兵一名

藍靛汛兵二名 沙田垌汛兵一名

以上七塘十一汛俱右哨管領營冊

官兵俸餉

都司一員俸銀二十七兩三錢九分四釐薪銀七十二兩

養廉銀二百六十兩蔬炭銀十八兩心紅紙張銀二十

四兩坐馬三匹草束銀七兩五錢六分料米二十六石

五斗五升營冊

把總員數詳見上篇每員俸銀十二兩四錢七分一釐薪銀二十

三兩五錢二分九釐養廉銀九十兩坐馬二匹草束銀

五兩零四分料米一十七石七斗

外委員數詳見上篇無俸每員養廉銀十八兩歲支馬兵銀米戰

馬一匹草束銀三兩五錢二分料米八石八斗五升

額外無俸廉歲支馬兵餉銀米戰馬一匹草束銀二兩五

錢二分料米八石八斗五升

添設額外名數詳見上篇無俸廉餉銀料米係由北海鎮原營請領俱同上

馬兵名數詳見上篇每名月大餉銀一兩九錢料米三斗月小餉

銀一兩八錢三分四釐米二斗九升馬每匹春冬月大

料米九斗月小料米八斗七升夏秋月大料米六斗月

小料米五斗八升春冬草價月大銀二錢一分月小銀

二錢零三釐夏秋草價月大銀二錢零四釐月小銀一

錢九分七釐二毫張志參營

步兵名數詳見上篇每名月大餉銀一兩四錢五分料米三斗月

小餉銀一兩四錢料米二斗九升

守兵名數詳見上篇每名月大餉銀九錢七分月小餉銀九錢三

分七釐料米與步兵同又每兵公費銀三錢六分紅白

銀三錢九分六釐

以上各官兵俸餉銀兩均係二八月赴藩司署請領移貯高廉道庫逐月領取回營散給糧米在本縣歲征本色內動支惟添設額外二名銀米係由北海鎮原營散給俱同上

附錄舊志營堡塘汛

縣舊堡有三東北五十里曰三合堡先是廣西蠻賊胡公威由此流劫成化七年

橫山堡正統九年賊首蘇觀采由博白流劫遂溪舉人陳貞豫官御史奏改縣西一百里青頭堡移建

安堡昔為邊整舊堡仍存西南一百里曰息

舊營有二北六十里曰龜子營萬曆十一年純入純十都居民告設分撥三合堡兵

行成系云 經政 營制 三



十名防守今展西北當作正西百一十里日青平營距青頭堡十里  
博白賊時出沒萬歷十年甯十三都居民告復立營高州府委軍官一員撥本所兵十五名及展界加兵五名防守今裁祇留兵四名巡防

各路塘汛東那良塘 白藤塘 化州分界 西龍村

塘 樟村塘 那賀塘 沙剗塘 堡下塘各兵二名 青

平營目兵十名 金花塘兵八名 高橋塘兵三名 晒穀嶺塘

兵八名 南老鴉塘兵二名 青陰塘兵二名 遂溪分界

東南分流塘 波蘿根塘兵各五名 坡頭分界塘兵八名

雍正十年新定營制石城塘汛三十有五

藍靛汛外委一員 兵八名 那良塘兵四名 白藤塘兵四名

分界塘兵四名 老鴉塘兵四名 青陰塘兵四名

山口汛兵五名 銅鼓逕汛兵四名 分流塘汛兵二名

波蘿根汛兵二名 坡頭汛兵六名 茅垌汛兵四名

兩家灘汛兵四名 龍村塘兵四名 下山塘兵四名

烏石垌汛兵五名 潭伯營汛兵五名 樟村塘兵四名

那賀塘兵四名 沙剗塘兵四名 烟墾汛兵四名

青平塘兵四名 石頭崗塘兵四名 金花垌汛兵二名

高橋塘兵四名 晒穀嶺汛兵八名 橫山墟汛兵四名

馬蹄塘汛兵三名 鹿仔坑汛兵三名 白泥塘汛兵三名

龍灣汛兵三名 堡下汛兵三名 青平汛兵八名

楊桃角汛兵八名 沙田埔汛以上張志 兵三名

案原設營堡年久堡已傾圮各塘汛派兵多少亦今昔不同仍錄之以存舊制

附錄舊志海防

康熙元二當作年遷建當作急水安鋪礮臺三二當作座又十里

一臺五里一臺凡十六所遂溪分界臺北了塾新水臺北坡塾東坡坪塾博教臺黃

竹根塾深田臺息安塾那里坡塾鷓鴣林塾雞公分撥

城守巡兵每臺六名塾四名把總一員督率張志

二年增設礮臺官兵六十名內千總一員戰兵三十四名

守兵二十五名

七年展海邊界撤各塾臺存留舊者一安鋪礮臺更設新者四

龍頭沙臺烏兔臺二十三年督院親臨巡查更定營制

化石營石城汰千總把總一員兵一百名總以礮臺千

總一員分防石城城池急水礮臺等汛其城池塘汛安

馬戰兵共十名步戰兵二十名守兵七十名共一百名

急水當作安鋪礮臺兵六十名龍頭沙兵十三塾名烏兔

兵十名東村兵十名各臺共安馬戰兵十名步戰兵二十名

守兵七十名共一百名四十九年本道條陳奉兩院批

允設立巡海撻艇二隻交安鋪汛兵配駕遊巡每艇配

兵一十八名水手二名器械完具五十六年撤三塾烏

兔東村三臺改龍頭沙為礮臺守兵二十二名尋調楊

桃角汛外委一員駐防添設兵三十六名共兵五十八

名大礮八位俱同上

案康熙七年撤各塾臺存舊者惟安鋪是急水礮臺

已撤矣其下又云急水礮臺則急水二字當係安鋪

二字寫誤至巡海撻艇裁自何年營冊無考姑錄以

存舊名

石門礮臺在兩家灘下相距十里兩岸危石屹立如門關

鎖邑南一帶水口最屬險要道光閒岐嶺江姓倡捐請  
建今多傾圮冊檔

案國家更定營制分兵水陸有陸路以衛內有水師以  
捍外內外相維山海晏如矣礮臺巡艇之設以靖海氛  
以陸兵而兼水師防禦之密安內攘外是督率者之責  
乎張志



石埭縣志  
卷四

